

पुर्खा दयक तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दयक तकगु सम्पत्ति, भीगु कला व संस्कृति

ह्वयया

नेपाल संवत् १९४१ जलाश्व/२०७८ असोज १५/2021 Oct/ ल्या: ४४, दाँ:३



**विश्व पर्यटन दिवसया लसताय
सांस्कृतिक गुरुपिन्ता हानेज्या**

रिक्सी तालिमया सहभागी पिन्ता दसिपौ लः ल्हाय्गु ज्या इवः
(२०७८ असोज ७ गते)



ब्वनय्कुथि चाय्केता अभिभावक-ब्वनामिपुं नपां छलफल

(२०७८ असोज ४ गते)





ब्हयःगूगु स्वप पौ. बःछि पौ(पाक्षिक)

; DkfbSlo

@)&* C; fh !%, C^\$ &), j if#

स्वास्थ्य विमाया धेबा मथां वियमः

स्वास्थ्य विमा याइपुं नागरिकपुं न्हियान्हिथं अप्वयो च्वंगुदः । जनताया दथ्वी लोकं ह्वागु ज्या मध्ये स्वास्थ्य विमा नं छगू खः । स्वास्थ्य बिमाख्य ज्या सानिपुं पदाधिकारीपुं जिम्मेवारी मजगुलिं सरकारी अस्पतालत धमाधम बन्द जुइगु अवस्थाय् थ्यडः च्वंगु दः । छगू छगू अस्पतालता विमा वापतया धेबा करोडौं तका मब्यूसिं तयो तः गु खायँ संस्थाया कर्मचारीपिसं चासो तक नं मया । जनताया करं तलब नयो च्वंपुं कर्मचारीपिसं छु बिमा कार्यक्रम हे न्हांकः, मदय्क छ्वय् तांगुयां मखुला ?

‘धुलिखेल अस्पताल चरम आर्थिक संकटय्’ दक छ्यौं तयो नेपाल न्यूज डटकम अनलाइन पत्रिकां बुखाँ च्वता । बुखाँ सं धुलिखेल अस्पतालता सरकारं विमा वापत बियमःगु नीखुगू करोड तका दां मब्युनी । आना ज्यासाडः च्वंपुं कर्मचारीपिन्ता तलब नपां नकय् मफगु अवस्थाय् थ्यंगु खाँ अस्पतालं कांगु दकः धायो च्वंगु दः ।

मध्यपुरय् च्वंगु नेपाल कोरिया मैत्री नगरपालिका अस्पताल असोज १ गते निसें बिमाया बिरामीपुं (जाँचय् याकय्मखु धायगू मध्यपुर नगरपालिकाया प्रमुखजु या धापु खः । आना विमा वापत सरकारं गुगू करोड तका वियमःगुलि मब्युसेलिं बन्द याय्मःगु खाँ अस्पताल ब्यवस्थापनं धायो च्वंगु दः ।

ख्वप नगरपालिकापाखं न्ह्याकःच्वंगु ख्वप अस्पतालता नं भाद्र मसान्त तक खय् प्यंगू करोड तका स्वयो अपः धेबा विय मःगु जुल । न्हिं डासम्हा स्वयो अपःल्वगीत जाँचय् याइगुलि ७५ प्रतिशत स्वयो अपः बिमा याय्पुं बिरामीत आना वइगु खः । टिकट, एक्सरे, ल्याब फुक्कया ल्याखाय् बलय् न्हिं प्यंगू निसें डागू लाख तकया बिमाया ल्वागिपिन्ता सेवा याडः च्वंगु दः । अलय् सरकारं असार मसान्त तकया भाति-भाति धेबा छ्वयो हःगुलिं ग्वाहाली जुयो च्वंगुलि साउन व भाद्र नेलाया दुनय् बिमापाखं छतिहे धेबा ब्यगू मरु नि । थथेयाडः बिमाया धेबा इलयहे मबिल धःसा सरकारी अस्पताल त छसिकाथं तिडः छ्वय मालिगु अवस्था वई ।

थ्व नं हाँ कोभिड भ्वल्वयया इलय ख्वप अस्पतालता विमा पाखं बियमःगु डागू करोड तका स्वयो अपः धेबा सरकारं मब्युसेलिं ख्वप नगरपालिकां ख्वप अस्पतालय् अक्सिजन प्लान्ट दय्केता जनताकय् ग्वाहाली फ्वनय् मालः । नगरपालिकाया इनापयाता मनन याडः ख्वपया जनतां लच्छीयाय् दुनय् खुगुत्या करोड तका दां आर्थिक ग्वाहाली याडः सरकारता लिसः बिला । वहे धेबाखं ख्वप नगरपालिकां अक्सिजन प्लान्ट चाय्कः अक्सिजन पिकायो धेबा म्वाय्कः अक्सिजन इडः बियो च्वना । बिमाख्य स्वीडास तका दां पुलः छगू लाखतका तकया उपचार व्यवस्था तस्कं बांलागु व भिंगु मतिया ज्या खः । अलय बिमा अस्पतालय् ज्या सानिपुं गैर जिम्मेवारी पदाधिकारीपिसं याडः थौ कन्हे विमाया बारे बांमलागु द्रपं बियगु याडः हल । मचः मगागु व मभिंगु खाँत ल्हवडः विमा संस्थानं फुक्क अस्पतालता विमावापत वियमःगु भुक्तानी इलय हे बियो विरामी पिनिगु सेवा बांलाकः अःपुकः व व्यवस्थित काथं याकय्ता सरकारं इलय हे बिचः याय्मः । थुखय् पाखय् सरकारया ध्यान मथां वानय् मः ।

पिकाक-ख्वप नगरपालिका/सम्पादक-आशाकुमार चिकंबञ्जार, डेस्कटप-धन लक्ष्मी त्यात, आवरण सज्जा-रेणु ध्वजू, थाकू- भक्तपुर अफसेट प्रिन्टर्स फोन ल्याः ०१-६६९३०४३, ई-मेल- khwopapau@gmail.com



का.रोहित जू या स्वकजू कोरिया भ्रमण



का.रोहित नारायणमान बिजुवछें

अतिथि सदनय ल्याहाँ वय धुकः कन्हय खुनुं (११ साउन २०५०, २६ जुलाइ १९९३) या दिनसं जिमिगु ज्याइवः 'कला केन्द्रे' वानयगु खः । न्हपानं वानय धुंगु थाय् जूगुलिं ब्वनामिपिन्ता पाठ हकनं लिपिडः कानयथें जुल । लुमानय धुंगु खाँ व न्हपा स्ववाडाबलय लुमधांगु अः लुधांकयगु मौका वगु थें । चा, ल्वहँ व धातुया मुर्तित दयकिगु क्वथाय् स्वः वाडा, थी थी पुं (चित्रकार) पिनिगु क्वथाय् द्वहँ वाड स्वया वयकपिसं च्वयो तःगु किपा व मूर्ति त स्वया । देश विदेशया च्वमि, कवि, कलाकार, नेता वीरपुं योद्धात, आन्दोलनकारी पुं समाजसेवी व जीवनया थी थी लागया नां दांपुं व लोकं हवापुं मनु तयगु किपा व मूर्ति त स्वया पहाड -पर्व खुसीत इवाला (भरना) व पुखुत, पशुपंक्षी व थी थी तस्कं बांलागु सुन्दर प्राकृतिक लूत, तस्कं बांलागु मूर्तित व किपात ब्वयो तःगु खः । कोरियाली जनताया जापान विरोधी लडाइँ पितृभूमि व किपात ब्वयो तःगु खः । कोरियाली जनताया जापान विरोधी लडाइँ पितृभूमि मुक्ति युद्ध, समाजवादी निर्माण थी थी विषय बुँ व द्वबुँत नपां कारखाना व कासाया नपां धात्थें हे खःगु थें च्वंगु सजीव किपात स्वया ।

छसिकाथं स्वे धुकः मेगु क्वथात चाहिला । काचोपी भरे याइपुं, छ्वाली यायगु, सिँखय् व मेमेगु बस्तुं दयकगु कलात्मक वस्तुत व तः तः ग्वगु सेरामिक्स भालाँ त नं स्वया ।

(चित्रकला) च्वयोतः गुकिपा ब्वयो

तःगु क्वथाय् वाँ वां जिं न्यडा - 'छिकपिन्थाय् जिं अमूर्त कलात यां मखाडा नि ? केन्द्रया अधिकारीजुं लिसः बियो दिला 'जिमिगु देशय् यथार्थवादी (धात्थेंखःगु) कलाता जक यः कि । लोकं हवाम्हा सकसिया नुगः चु का.किम जोड्ग इल जुं नं यथार्थवादी कला च्वयता बः बियो च्वंगु दः ।

लसकुस लिपा आगन्तुक पुस्तिकाखय् विश्वकर्मा पिनिगु चमत्कारपूर्ण तुचा (छिना) व कुची (पुचा) या कलाकार पिन्ता (लसय् हाड) बधाइ बियो विदा फवडा । वनलिपा जिपुं का.किम इल सड्ग व का. किम जोड्ग इलया च्वसुत ब्वयो तः थाय् वाडा ।

महान नेताया कृति त ब्वयोतःगु थाय्

ज्या इवः काथं जिपुं महान नेताया कृति व ब्वयो तः थाय् स्व वाडा । आना का.किम इल सड्ग व का. किम जोड्ग इलया थी थी भासं च्वयो तःगु च्वसु व साफूत ब्वयो तःगु खः ।

'साम्राज्यवाद-मुर्दावाद' संघ निस्वःगु इलय् निसैया च्वसुत व उब्बेया स्यल्लागु महत्वपूर्ण (उद्धारण) धापु त मुना तः तः ग्वगु आखलं च्वयो तः गः दः । जापान विरोधी लडाइँया इलय् कोरियाली मजदुर संघया प्रसंग, प्रजातान्त्रिक सुधार, भूमिसुधारया विषयया साफू त, पितृभूमि मुक्ति लडाइँया इलय्या साफूत व समाजवादी निर्माणया साफूत ब्वयो तःगु दः । स्वापु दःगु इलय्या व च्वसुत च्वगु इलय्या किताव व भाषण प्रवचन व च्वयो च्वंगु इलय्या चित्र त नपां ब्वयो तःगु दः ।

देशविदेशया थी थी भासं भाय् हिलः तःगु साफू त नं ब्वयो तःगु दः । उकी नेपाली भासं भाय् हिलः तःगु महान नेताया च्वसु मुना साफु नं ब्वयो तःगु दः ।

अथेहे का. किम जोड्ग इलया नं थी थी इलय् च्वयो तःगु च्वसुत व भाय्हिला

साफूत ब्वयो तःगु दः । कला व साहित्य, संकिपा व सैद्धान्तिक व संगठनात्मक च्वसुत नं दः । जिं न्हपा नं स्वय धुंगु थाय खः । जुछे विचारधारा हे कोरियाली क्रान्तिया दुनुगः (गुह्य) खः धाय्गु भावत आगन्तुक पुस्तिकाखय् च्वयो विदा फवडा । मोटर तप्यंकः अतिथि सत्कार सदन (पाहाँ छँ) पाखय् यंकल ।

नेपालाडः र्वँहाबल्हाः

स्वता इलय् कोरियाली मजदुर पार्टीया कामरेडपुंनपां कोरियाली इतिहास व क्रान्तिया अनुभवत न्यडा । वयकपिसं कोरियाया इतिहास, कोरियाली क्रान्तिया विशेषता व बिशिष्टता अलय IAEA (अन्तरराष्ट्रिय आणविक उर्जा आयोग) व NPT (आणविक अप्रसार सन्धी) या खाँ न्यडा ।

पार्टी निस्वाड द्यूपिनिगु आजु (उद्देश्य) व ज्यासानिगु पहः (कार्य शैली) या खाँ थुइकय् धुकः जक न्हँगु पुस्तां पार्टीया उद्देश्यता हज्याकय् फँगु खाँ वयकपिसं धायोदिल ।

दकलय् लिपा जिमिसं IAEA व NPT या थी थी जः जि नपां फसय् मजूसें छसिकाथं छगू धुकः मेगु (विजय) त्याकः वानय् फय्मः दक भिंतुना देछः सें विदा फवडा ।

सांस्कृतिक ज्या भवः

बहनी थाय् संध्याइलय् ५:३० ता इलय् जिपुं ८ फेब्रुअरी सं सांस्कृतिक सदन (प्याखं क्यनिगु छँ) वाडा उगु भब्य सांस्कृतिक सदनय् कोरियाया राष्ट्रिय रक्षा कमिशन (आयोग)या न्हापांगु न्वकु व वयकया सशस्त्र सेनाया मन्त्री व मेमेपुं देश विदेशया नेतात भनायालिं ज्याइवः न्ह्याकल ।

जेनेरलिशमो किम इल सड्ग जिन्दावाद या हुला प्याखं खं मंगलबार नं ज्याइवः न्ह्याकगु खः । जुछे विचारधारा जिन्दावाद, 'जिगुदे राष्ट्रिय सुरक्षाखय् थःगु तुतिखय् थः हे दांगु दः' व 'छगु हे



न्हयःगूगु स्वप पौ. बःछि पौ(पाक्षिक)

मनयाय् पिनगु छप्पा छधि भीगु गौरव खः, धाय्गु बाजाया धुनया छम्हासिं व पुचलं म्यँ हाल । समाजवादया रक्षा याय्नु' भीम्हा सर्वोच्च कमाण्डरता ल्वाभः (हतियार) ज्वड च्वय् थाकाय्नु' धाय्गु पुचः म्यँ नं न्हयवता ।

दबु, प्रविधि, जः ति (प्रकाश) व सः (ध्वनि), क्यनिगु बन्दोबस्त फुक्क स्वय धुक अजुचायो पासा बुद्धि कुमार जुं में वाड च्वना । कोरियाली जनताया सिद्धान्त, कला व संस्कृतिख्य उथिंग्यंगु (समानता) दःगुलिं मेपुं विदेशीत नं तस्कं च्वछायो तारिफ याडः च्वना । शुभकामना म्यँ न्यनय् धुकः जिपुं बिदा फवड वया ।

विजय परेड

२७ जुलाई १९९३ (१० साउन २०५०) याय् सुथाय् निसँ सर्गतय् सालुगु सुपार्यँचां तः पुयो तःगु हे दः । पितृभूमि मुक्तिया पीकगु विजयदिवसया लसताय प्योड्याड्या सर्गतय् सुजद्यो दूगु स्वय मखां अलय् ज्या याड च्वंगु व छाय्पियो तःगु प्योड याड तस्कं थिडः च्वंगु मताथें अलय् फिलीमिली खानय् दयो च्वंगु दः । धाय् न्हम्हा भम्चा थें स्वय बलय् हे हायँपुडगु काथं छाय् पियो समायाड तःगु ख्वाल्य सिन्हतिकः तःगु थें सुपार्यँचां बाना तयो ब्यगु थें च्वं । ७५,००० वर्ग किलोमिटर तः ब्यागु किम इल सड्ग लाय्कु प्योड याडया जुगः खः । तः तः हांगु राजनैतिक व सांस्कृतिक ज्या इवः न्हयाकिगु थुगु केन्द्र थौ धात्थें पीदाया त्याकगु दिं सगौरब पिब्वयता हथाय् चायो च्वंथें च्वन, पिड च्वन, आयबुक पिड च्वन । नेपः या विक्रम सम्वत काथं थव १२ साउन २०५० य् लागु खः ।

ईल घचां (घडी) जुलाई क्यनि थें च्वड च्वन । उगु परेड ख्यः या च्वजःगु दबुलीया हःनय् पाखय्या देपापाख्य जिता थाय् बियो तःगु खः छम्हा अफ्रिकी नेता नपां । उगु लाइनया दथी मथी लाकः पितृभूमि मुक्ति युद्धया सेना नायक व रणबीर कोरिया जनताया लोक हवाम्हा महान नेता का. किम इल सड्गया थाय् तयो तःगु खः वयकया जव पाखय् कम्बोडियाली राष्ट्राध्यक्ष (अःजुजु) नरोदम

व देव पाखय् प्यालिस्टेनी संगठनया नेता व कमाण्डर यासेर अराफातता थाय् तयो तःगु खः ।

इल घचां गुता ई क्यन, दबुली का.किम इल सड्ग व मेपुं कोरियाली नेतात देश विदेशया पाहाँ, पार्टीत व सरकारया प्रतिनिधि मण्डलया नेतात व दुजः पुं तस्कं मन ह्वयकः लय्तायो च्वंगु खानय् दः । द्रलं द्र कोरियाली मिसामिजंत व मचात हयोंगु, तुडगु व थी थी उन (रड्ग) या स्वम्ह ज्वड च्वपिसं लाय्कुली म्वः म्वः मनू मुडः, जायो, लाहापा थाड लय्ताःगु ख्वः ज्वडः भिंतुंगु सः व अभिवादनया सलं सर्ग थवयो च्वन । जनतां वयकगु रड्गी चड्गी च्वापुचां (बेलुनं) सर्ग हे तपुगु थें च्वकः वयकल, त्याकगु व लसताया बढाइ जुल । बःचा बःचा धिकपुं मचातय्सं राष्ट्रपति किम इल सड्जुता स्वं म्हँ लः ल्हाड बिल । क्यातुगु लाहाकार्यँचां, लोवाना पुसे च्वंगु सलामी प्वंकला ।

कोरियाली जन सेनाया जनरल स्टाफया मू मनू चोइ क्वड्ग जुं शुभकामना न्वचु बियो दिल । वयकलं - 'पितृ भूमि मुक्ति युद्धख्य भी जनतां त्याकगु महान नेता किम इल सड्गया चमत्कारपूर्ण सैनिक बिचः रणनीति व कार्यनीति त्यागु खः । जुछे याय् लिधंसाय युद्ध कौशल व ज्वः मरुगु अद्वितीय कमायडिडिड्ग कलां त्यागु खः । थः म्हा नेताया प्यख्यरं नुगलं प्याक छप्पा छधि जुयो थःगु भाग्य थमनं दय्केता बहादुरी पूर्वक ल्वाइपुं जनतां छुं नं साम्राज्यवादी आक्रमणता बुक्य फः अलय् राष्ट्रया प्रतिष्ठा व सार्वभौमिकता रक्षा याय् फः धाय्गु ऐतिहासिक घटनां क्यनय् फः।'

“भीपुं जनता व जनसेनां न्हपायाय् थें जुछे विचारया लिधंसाय अपलं जन-समुदायपिन्के केन्द्रीत कोरियाली शैलीया समाजवादता रक्षा याइ अलय् हानय् ज्या याई नपां सारा राष्ट्रया संयुक्त शक्तिं राष्ट्रिय पुनः एकीकरणया उद्देश्यया ज्यात हज्याकः यंकी ।”

परेड न्हयाकल, छगू छगू याड फुक्क पल्टनत थः थःगु ध्वार्यँ ज्वडः पोशाक व मान-पदवीः तक्माखं छाय्पियो प्रदर्शनख्य

हज्याड वान । किम इल सड्ग सैनिक विश्व विद्यालय, किम इल सड्ग राजनैतिक विश्व विद्यालय, किम-चाक हवाइ सेना, जलसेनाया विश्व विद्यालय, मे मेगु सैनिक एकेडेमी व सैनिक स्कूलतय्गु दलपिसं प्रदर्शन यायां वान । अथेहे थी थी कारखानाया मजदुर, किसान, ल्यासे ल्याम्होपुं, ब्वनामिपुं, मिसात, वैज्ञानिक, प्रविधिक, शिक्षक, नव युवापुं, लाल रक्षक थजगु जीवनया थी थी क्षेत्रया जन समुदायपिसं उगु सलामीख्य ववति काला ।

आना जिं पितृभूमि मुक्ति युद्ध ख्य कोरियाली जनसेनाया भूतपूर्व युद्ध सम्वाददाता रि इन मो व सायद वयकया जहान जुयमः वयकपिन्ता खाडा । अपलं भीड जुगुलिं अलय् जि मेःगु थासय् वानय् मःगु लिं रि इन मोयाता नपालाड आदर प्वंकय्गु व (सु-स्वास्थ्य) भिं उसार्यँया कामना याय्गु अवसर काय् मखान ।

प्रदर्शनकारीपिसं समाजवाद, स्वतन्त्रता, देशया शान्तिपूर्ण पुनः एकीकरण, देया सम्पन्नता व राष्ट्रपति किम इल सड्गया भिं उसार्यँया कामना याडः हज्याडा । राष्ट्रपति किम इल सड्गं लाहा सांकः जनताया अभिवादनता न्हयलाख्वालं लिसः बियो च्वना । प्योड्याड्याड्या जनता रड्गीचड्गी स्वम्ह ज्वडः कोरियाया राष्ट्रिय ध्वार्यँ ज्वडः अलय् थी थी चित्रं नाराया आखः ज्याडः वयक क्यड च्वना ।

हिगू लाख स्वयो अपः जनतात उगु भब्य विजय दिवसय् व्व ज्या याडः कोरियाली जनताया आधुनिक ल्वाभः त, उत्साह व छप्पा छधिं छगू न्हँगु मनोवैज्ञानिक युद्धख्य नं प्र.ज.ग. कोरियां त्याकगु अःपुक हे थुइकय् फः । उगु तस्कं हायँपुगु विजय परेड १.४५ ता इलय् क्वचाला । लयतां गुली जः धाय् हे थाकु । उकिया सिमा हे मरु ।

उपत्यका अतिथी सदनय् थ्यंकः पलख आराम याडा । जिमीता नकगुली पश्चिमेली भव्य ख्य नकिगु ज्वलं नं ताडः नकगु जुल ।



विचः तः ह्रां चिच्याह्रां धाय्गु दै ला ?

विवेक

कार्लमाक्स व ऍंगेल्स सन १८४८ खय् कम्युनिस्ट पार्टीया घोषणा पत्र चवयो दिल । वयकपिसं घोषणा-पत्रखय् 'सर्वहारा वर्ग बलं (सशस्त्र क्रान्ति) पुँजीपति वर्गता लिडः छ्वयो थःगु सत्ता निस्वानय् मः दक सर्वहारा क्रान्तिया धात्थेंगु लाँपु चाय्क क्यन । समाज विकासक्रमया इवलय् व छगू न्हँगु विचार काथं हज्यागु खः । माक्स व ऍंगेल्सपुं स्वयो न्हपानं अपलं समानतावादीपुं मरुगु मखु । अमिसं नं समाजवादया कल्पना यासां समाजवाद गथे निःस्वानय् फैं धाय्गु धात्थेंगु लाँपु क्यनय् मफू । सेन्ट साइमन, चार्ल्स फ्युरियो, रोबार्ट ओहेन थजपुं काल्पनिक समाजवादीत उल्ले खानय् दःगु खः ।

कम्युनिस्ट घोषणा पत्र पिथांगु नेसत्या दाँ फुय धुंकल । हलिमयया बच्छी स्वयो अपलं जनता माक्सवादी विचः ज्वडः थः थः गु देशय् आन्दोलन याडः च्वंगु दः । सोभियत संघ, चीन, प्रजग कोरिया क्यूवा नपांया गुलिं यूरोपेली व ल्याटिन अमेरिकी देशं माक्सवादता सफल काथं छ्यलय् धुंकगु दः सा गुलिं देशय् अस्थायी काथं असफल नं जुगु दः । धात्थें खय्क धाय्गु खःसा

माक्सवादं हे सर्वहारा वर्गता मुक्ति बिय फःगु संसारया खानय् दःगु बिचः मध्ये न्हँगु बिचः खः माक्स व ऍंगेल्स कल्पना याडः पिकःगु बिचः क्षेत्रीय राष्ट्रिय जुयो थौं हलिमय डानय् धुंकल ।

बिचः तहां चिच्याह्रां धाय्गु दै मखु । अपलं ल्याखाडां, तः ग्व, चिच्याग्वः या बाना कियां विचः ता तहां चिच्याह्रां दक दापु खं दाय् फैं मखु । बिचः छम्हा मनू पिकाई अलय् व बुलुहुँ हलिमय डाडः वानि । विचः ता तः तः जःगु जेलया पःख व तस्कं कडा याड तःगु देया सिमाचिं खं नं पानय् फैं मखु अलय् सुनं पानय्ता स्वःसा पानय् नं फैं मखु ।

थौं स्वयो नीडास दाँ ह्राँ गौतम बुद्ध बौद्ध दर्शनया प्रचार-प्रसार याता । अन्धविश्वास म्वाडः च्वंगु उल्लेया समाजय् भौतिकवादी दर्शनं आलोचनात्मक ढंगं विचः धाय्गु क्षमता दयो वल । उल्लेया जुजुपिसं बौद्ध दर्शन पाडः तय्गु तहांगु कुतः यागु खः । नक्कली

भिक्षुपुं दय्कः बौद्ध दर्शनया बदनाम धाय्गु अपलं कुतः याता, अथेनं धाय् मफः । व छगू न्हँगु विचः खः , थौं क्वति-क्वति जनतात उगु बौद्ध दर्शनया अनुयायी जुयो च्वंगु दः । बौद्ध दर्शन ब्यूम्हा गौतम बुद्धता द्यो भः पियो देवत्वकरण याडः च्वंगु दः । व धसा गलत ज्या खः ।

खाँ कर्णाली प्रदेशया खः । आना नेपाल मजदुर किसान पार्टीता नेका, एमाले व माओवादी थजगु पुँजीवादी पार्टी तय्सं 'चिच्याह्रांगु पार्टी' 'सरकारय् मवानिगु पार्टी' अलय् पार्टी कार्यकर्ता पिन्ता 'मजदुरे' दक क्वहय्क खाँ ल्हाइगु जुयो च्वना । नेमकिपाया कार्यकर्तापिन्ता बिचः लं तापाक्क छ्वय्ता अमिसं अजगु मखुगु व म्वः मरुगु द्वपं विय्गु याडः च्वना । अलय् इलं नेपालय् कम्युनिस्ट पार्टीया बिचः व सिद्धान्त कः घाड हज्याड च्वंगु पार्टी नेमकिपादक खः दक सावित जुय धुंकगु दः । नारा व भाषणं स्वयो व्यवहारय्

ज्या साड नैपुं ज्यापु ज्यामितय्गु भिं जुइगु ज्या नेमकिपां याड वयो च्वंगु ज्या बुलुहुँ जनतां थुइकः वयो च्वंगु दः । ल्या व आकार स्वयो सुनं कम्युनिस्ट सिद्धान्त कः घाड ज्या साड च्वना

नेमकिपाया बिचः खाडः ग्यापुं एमाले माओवादीया नेतात नेमकिपाता साथ बियो च्वंगु दः । थुकाथं स्वयबलय् नेमकिपाया पला खः थाय् लाडः च्वंगु दः धाय्फः । का. माओ नं धायो द्यूथें -'शत्रुं कुंखिगु बाँमलागु खाँ मखु ।' नेमकिपां पुँजीपतितय्ता थःम्हा वर्गीय शत्रु खाकी । पुँजीपति वर्गया नुगलय् इवावियगु काथं कय्केगु नेमकिपाया लक्ष्य खः ।

धाय्गु तः हांगु खाँ खः ।

जुम्लाय् २०४८ व २०५१ सालया संसदीय चुनावखय् नेमकिपाया उम्मेदवारपुं त्यागु थाय् खः । २०५१ सालय् त्याकः वांम्हा भक्त बहादुर रोकाया अः कांग्रेसय् दः । व नेकांया पार्टी सभापतिया उम्मेदवार जू बलय् मुक्कं खुक्व भोत जक काला । नेमकिपाता धोका बियो विश्वासघातयाम्हा रोकायाता कांग्रेसी कार्यकर्तातय्सं नं विश्वास मया । अःवः निराश जुयो नेमकिपाया कार्यकर्ता नपालातकिं - जि यां फुत, फुत सीत, अः छिकपिसं पार्टी त्वः तय् मते । जिकय् दःगु नेमकिपाया पिथनात ब्वडः दिसँ अलय् हज्याडः दिसँ दक धा धां जूगु व गनां गनां ख्वइगु दक नं धायो च्वना । अः व जुम्लाय् छम्हा मभिंम्हा पात्र काथं क्यडः च्वंगु दः ।

रोकायाता २०५३ सालय् उल्लेया प्रधानमन्त्री शेर बहादुर देउवाया विरुद्ध अविश्वासया प्रस्ताव पेश याइगु इवलय् उल्लेया



न्हयःगूगु स्वप पौ. बःछि पौ(पाक्षिक)

गृहमन्त्री खुम बहादुर खड्कां आइ.जि.पि. अच्युत कृष्ण खरेल, सांसद शिवराज जोशी नपांया पुचलं अपहरण याडः भारतया पूर्णिया धः थाय् तय यंकला । लिपा कांग्रेसय् द्रहं वांम्हा रोकायाता काङ्ग्रेस सरकारया पालय् वन राज्यमन्त्री याता । अः अखय्ला थुखय्ला मरुम्हा जुयो च्वंगु दः । तस्कं घच्यापुगु जीवन हाडः च्वना दक जुम्लाया जनतां काङ्ग च्वना ।

नेमकिपा चिच्याहांगु पार्टी जुला, मथां क्रान्ति याय माला दक पार्टी अनुशासनं प्याहाँ वाड पार्टी त्वः त वांम्हा मेम्हा मनू खः राम कृष्ण बुढथापा । नेमकिपा क्रान्तिकारी जू जुं लिपाया चरणय् बाबुराम 'न्हंगु शक्ति' पार्टी द्रहं वाड अः निराश जीवन हाड च्वंम्हा व नेमकिपा त्वःत गुलिं पश्चाताप याड च्वनादक स्थानीय पिसं काना ।

थःगु व्यक्तिगत स्वार्थया लागिं जनताया विश्वासता लकामं च्वाइपुं न शान्तिं म्वाय् फै नः सीय हे फै । नेमकिपा त्वः तपुं मध्ये रोकाया व बुढथापा प्रतिनिधि पात्र जक खः । पलखया छुं भातिचा लोभंभुकः थः मनं हिचति हाय्क दय्कागु पार्टीता लुमांकः छोयो धोका बिइपुं थजगु कुपात्रत थाय् थासय् नपालाई । थमनं मेहनत मयाथासय् सुननं हनाबना याइमखु धाय्गु खाँ राजनैतिक कार्यकर्तापिसं मथुइकसिं मगा ।

चिच्याहिपुं तः ह्रिडः वैगु व तः तः ह्रांपुं मदयो वानिगु प्रकृतिया नियम हे खः । छुं इलय् नेपः देशय् प्रजापरिषद दकलय् तः ह्रांगु पार्टी खः । थौ उगु पार्टीया थःगु अस्तित्व म्वाकः तयता ल्वाड च्वनय् मःगु दः । पञ्चायती शासन कालय् ४ हजार गू गाउँ पञ्चायत व ३६ गू नगर पञ्चायत व ७५ गू तुं जिल्लाय् छगू नेगू बाहेक फूक्कथासय् पञ्च तय्सं हे त्याकगु खः । २०४६ साल लिपा देश निकाला जुला । अलय् लिपा एमाले दे डांकः दःगु खाँ बयबय जुल । २०६३ साललिपा देश हे माओवादीमय जुल । अलय् ग्वः लय् उगु पार्टीतय्सं थःता वहे काथं ल्यंकः तय् फःगु ? छुं नं पार्टी वा शक्ति जनताया भावना वः मःगु खाँ ज्या पूर्वाकय् फः तलय् जक दैगु अलय् मदयो वानिगु खाँ नेपः या राजनैतिक इतिहासं नं क्यडः च्वंगु दः ।

अः राजनीति बिचः व सिद्धान्त स्वयो पद व धेबाया लागिं याइगु जुयो वल । राजनीति इमान्दारी जुयो देश व जनताया सेवाया लागिं जुयमः गुलि शासक दलया नेता तय्सं राजनीतिता मथां धेबा कमेयाय्गु 'ब्यापार' याय् धुंकल । पुँजीपति वर्गया विरुद्ध संघर्ष याय्ता आन्दोलनया न्हयलुवा याय् मःगु कम्युनिस्ट पार्टीया नेतात थः हे पुँजी मुं मुं पुँजीपति जु जुं वाडः च्वंगु दः । अलय् गथे वर्ग संघर्ष हज्याई ? ठेकेदार तस्करी भ्रष्टाचारी पिन्ता पाखुयो तैगु थाय् जुय धुंकल । कम्युनिस्ट पार्टी दुनयँ मखुपुं मनूत दुमकाय्ता व कम्युनिस्ट सिद्धान्तकाथं आचरण याय्ता नेमकिपां एमाले-माओवादी

थजगु पार्टी तय्गु सदनय् अलय् सडकय् रचनात्मक आलोचना नपां विरोध याडः च्वंगु दः ।

सच्छीखय् चय्बव भू-भाग डालय् धुंगु दाबी याडः च्वंपुं माओवादी तय्सं निर्वाचन त्याकय्ता स्थानीय तहलय् नेकां नपां मिलय् जुयो अलय् संसदीय चुनावय् एमाले नपां मिलय् जुयो चुनाव ल्वाय मःगु अवस्थाय् थ्यना । पुँजीवादी पार्टीतय्सं चुनाव त्याकय्ता छम्हा उम्मेदवार करौडौं तका खर्च याई । धेबा बियो भ्रवँ नकः गुण्डात छ्यलः निर्वाचन त्याकगु जक स्वयो तः ह्रांगु व चिच्याहांगु पार्टी दक धाय्गु खाँ पाय्छी मखु । नेमकिपां थें धेबा खर्च मयासिं बिचः व सिद्धान्तया लिधंसाय् निर्वाचन त्याकः क्यँ । अलय् धात्थें गगु पार्टी तःह्रां चिच्याहां धाय्गु खानय् दै ।

कर्णाली जनतां नेमकिपा चिच्याहांगु व सरकारय् मवानिगु दक कुंखिइपुं हेला याइपुं कथित कम्युनिस्ट पार्टीया नेता कार्यकर्ता पिसं छु थुइकय् मः धःसा थौं तक सरकारय् वांपुं नेका, एमाले व माओवादी देश व जनताया लागिं छुं छुं भिंगु ज्या याता । सरकारी ब्वनय् कुथि, कलेज व अस्पतालत नपां निजी क्षेत्रया जिम्माय् बिला । लाउडा काण्ड, चेज एयर काण्ड, धमिजा काण्ड, बालुवाटार काण्ड, सुन काण्ड थजगु काण्डै काण्ड याडः अभ्र थुगु लिपाया चरणय् थःगु पार्टीया विरोधय् अदालते वाड घोर राजनैतिक अनैतिकता पिब्वयो च्वना । जनताता खः थें डांकः जक बियो तःगु प्रजातान्त्रिक अधिकारतनं अदालतता लः ल्हाडः प्रजातन्त्रविरोधी अपराधी ज्या याडः च्वना । अलय् अजगु अपराधी नेता व अमिगु पार्टी हे तहांगु जुइला ? श्व गजगु अजु चाय्पुगु खाँ । न्ह्याब्लें वहे छगु वासलं ज्या याइ मखु । कर्णाली अपलं नाः न्ह्याय् धुंकल । आनाया जनतात अपलं सचेत जुय धुंकल । मेपिनिगु छँ मिथानिपिनिगु छँ मिं न्वयो च्वंगु दः । ईलं फुक्कसिता अपराध स्वयो सजाय बिई । धैर्ययाड ज्या साड वानय् मः ।

नेमकिपाया बिचः खाडः ग्यापुं एमाले माओवादीया नेतात नेमकिपाता साथ बियो च्वंगु दः । थुकाथं स्वयबलय् नेमकिपाया पला खः थाय् लाडः च्वंगु दः धाय्फः । का. माओ नं धायो द्युथें -'शत्रु कुंखिगु बाँमलागु खाँ मखु ।' नेमकिपां पुँजीपतितय्ता थःम्हा वर्गीय शत्रु खांकी । पुँजीपति वर्गया नुगलय् इवावियगु काथं कय्केगु नेमकिपाया लक्ष्य खः । नेमकिपाया ज्या इवः खं नक्कली कम्युनिस्ट तय्गु कपालय् हे च्युगु दः । श्व नेमकिपाया सफलता खः। नेमकिपाता चिच्याहांगु पार्टीदक हेला याइपिंता दकलय् ग्यापुम्हा विचारय् स्वत्ताक कः घाडः वयो च्वंगु नेमकिपा हे खः, जुयो तुं च्वनि । न्हपा व लिपा कर्णालीया फूक्क लागाय् हकनं नेमकिपाया ध्वायँ फरफर ब्वइ तिनि । कर्णाली अञ्चलय् पञ्चायतया विरुद्ध दकलय् न्हःपां कम्युनिस्टया ध्वायँ ब्वय्कम्हा नेमकिपा सुनं याडां कमजोर जुइमखु ।

काय् मियो च्यो न्याडा बलय् (बारवं)

आशा कुमार चिकंबञ्जार

नखा चखा वलकिं नुगः चं चं मधः म्हा नेवःसायद दै मखु । वहे नखा-चखा जात्रा-पात्रा खं हे हलिमय नेवः तय्गु म्हासिइका पिबवयो वयो च्वंगु खः । छा्यधःसा मन् व जात्रा धःसा ख्वः प्यं थें हे बाय मफैगु स्वापु दःगु जुय धुंकल ।

दाची अपां दाडः, साँइयो तयो, प्वल्हँ अपां चिड तःगु छँ या म्हासिइका नेवः छँया पहिचान खः । अभ्क ख्वप दे थःगु हे मौलिकताया तुयगु गां डयो, हाकुपरासी सिडः, पुजाभः ज्वडः वैम्हा व अजि, क्वफ्यन् तका तपुली पुयो म्हवसतय् ह्याउँगु सिन्हं ह्याउँगु क्वखा क्वखायो, म्हवसतय् धौ स्वगं तिड मुसुकःगु ख्वः नपां ऋतु काथंया म्यँ छुडः गुब्ले लालाखिया सलय् प्याखं ख्वायँ काकां भातिचा न्याकुं कायो जुइबलय् मोहनीया इलय् बुई क्वछुगु वागुजी फसं सांकः बिइबलय् थें भ्यानसिं अरा थौं न्याकुं कः । म्हवसतय् धिसिलाक थाज्याडः च्वंगु मोहनी, भातिचा अन्तिचाख्य् च्वम्हा म्हवय्खाचा सलिचाय् क्वछुकः नुगः चा क्वाकः वम्हा भ्यानसिं

अरा थौं थः बुगु थासय्या थःगु जिउथें जगु नखा हाडः, सास थजगु जात्रा डायकेता पुलांगु त्वाल्य् वयो च्वंगुलिं नं वया मन तपुली प्याहाँ वयकः कपालय् छुयो तःगु लां थुकु स्वं थें न्ह्यलासु दां ।

थाय् थासय् त्वाल्य् त्वाल्य्या बाजात प्याहाँ वयो साही हे भोक दयकः गुम्हासिं बाँसुरी पुयो च्वन । गुम्हासिं धिमाय् थाड च्वन । गनां गनां धौं थाड च्वन । मन हे याउँसे च्वंक न्ह्यपतय् एयर ड्रप तथा बलय्थें याउँसे च्वंक न्यनय् हायँ पुकःबाँसुरी पुयो च्वन । नकतिनि जक ल्यासेया लुखातं प्याहाँ वः पुं मिसा मचातय्सं बाँसुरी पुयो च्वंगुलिं भ्यानसिं अराया मन उखय् पाखय् हे लुत्तलुयो यंकल । व थःहे बाँसुरी पुयो जुयागु खां वाय्ता ल्याम्हो बैसय् लुत्तलुयो यंकल । वहे बाँसुरी पुयो वाडाबलय् फलय् च्वडा स्वयो च्वम्हा मचाया माँम्हासिया मन थःकय् वांकगु, अलय् थः पिनिगु बाजा हलः धायवं न्ह्यागु ज्या त्वःत जूसां स्वः वय्गु दकः मचाया मां म्हा सिनं थ थाय् वय धुंकः कांगु खौं न्यडागु, उब्बेया खौं

लुमाड वैबलय् अः नं हायँपुगु लज्यां ख्वाल्य् पाडां पानय् मफय्कः न्हिलासु पिज्वइगु थौं नं अथे हे जुल । बाँसुरी म्यँया सः यइपुक पिज्वयो च्वन । मनूत अपलं हां भूथें भुडः वहे चाकुगु माकुगु बाँसुरीया धुन न्यो न्यौ गुम्हासिं चाय्कः गुम्हासिं मचाय्क तुतिपला सांकः च्वना । भ्यानसिं अराया पलायां भू हे वालावाला साडः वहे बाँसुरी पुयो च्वंथाय् द्रहँ हे वान । वहे धुनय प्याखं हे ल्हूल ।

ह्याउँगु सिन्ह, ह्यायँगु क्वखा (हे राम !)
ख्वाल्य् अबिर तथा यो दाइ

गना वना वया ? यो दाइ गना वना वया ?

भ्यानसिं अराया न्हयःदाया बैसय् नं बाँसुरीया सलं जौवन चुली जाय्कः बिल । व बाँसुरी स्यंम्हा गुरु हे लय्तायो थमनं नं बाँसुरी पु पुं, थः शिष्य पिन्ता साथ बियो च्वनः । छपु-नेपु- स्वपु यायां नेव म्यँ या धुनय् म्यँ पुपुं भ्यानसिं अराता प्याखं ल्हूइकः च्वन । गुब्ले पछिमायँ, गुब्ले





न्हयःगूगु स्वप पौ. बःछि पौ(पाक्षिक)

ढलक, गुब्बलें धिंतिमनि (मादल) या तालय् तस्कं हायंपुकः गुब्बलें माहाकालीया पलाख्वायँ, गुब्बलें कुमारीया पलाख्वायँ खय् प्याखं ल्ह्यो च्वंम्हा भ्यानसिं अरा न्हँ पुस्तां सु खः ? म्हासिइकय् मफूत । गुम्हां गुम्हां सिनं यां वं ताय्कः हे धायो हल : । कतया त्वालय् वयो कतया बाजाय् प्याखं ल्हूम्हा सु व ? छपु ल्हूल म्वलः कः । तः पु खय् छाय् ल्ह्यो च्वना ? ज्वड पिकाय् माल । वया नुगः छत्थं हे कायँ हाल । ओहो धात्थें जिता सु नं हे म्हा मसिलला ? वया नुगः भाराभारा मिन । प्याखं ख्वायँ थासय् मलात । तुति ललः मलः धाल । वं चाकलीं छक मिखा वाय्कल । वं नं म्हास्य् पुं आना अपलं मनूत मरु । मिखालय् ख्वबी ल ल मल धाल । वाय्ता आनाहे तुसुड वानय् मः सिं वल । वया पला हे दित । व खाड बाँसुरी पुयो च्वंम्हा गुरुं धालः - गुरुजु भाग्या ! छिं हे जिता बाँसुरी पुयगु स्यडः द्यूगु । अः जिं श्वमिता स्यडा । बाँसुरी पूगु गनां द्रंगु, काथं मछिंगु दः ला थें गुरु ?

भ्यानसिं अराय् क्वतुडः वांगु मन सिं त्यका तयो थाकगु थें जुल । अथे नं वाय्ता आना च्वनय् हे मन मतः । मिखालय् मन्हयं मन्हयं प्याहाँ वयतांगु ख्वबी कः घाड वहे हुलं मछिं मछिं प्याहाँ वल । वयाता सुननं मगां । गनानं मपां । वया मनय् वोड चाय् नाः बुयो वथें वयो च्वन । बेमौसमय् वगु व थें वया मिखालं ख्वबी तिकी यान ।

ओहो ! थःगु थाय् थःगु म्हासिइका । थःगु त्व बः, थ दाजुकिजा । भिंम्हा जलाखाला मनू क्वःदैबलय् तस्कं ग्वाहाली याइ पुं । नखा चखा वै । त्वालय् दाफा भजन हाली । फः म्हासिं फः थें नकय्गु - त्वंकय्गु याई । व मायां प्यागु नेसुंचा सम्हयँ थौं अमतु थें हे च्वनय् धुंकल । व हिसिं जःगु अन्तिया छसलिचा ऐला, व हाकु स्वमा थास्वयो छगूसासं त्वनय्गु थ्वँ, मेपिनिगु लागिं छुं मखुसा वयाता थौं आशां दयाम्हा

मनू थें ताय्कल । ख्यूं भुडः चान्हय् जुयो वःगु ईलं वाय्ता छचाखरें दालुं तपुयो ब्यूम्हा खाः थें ख्यूं जक मखु सास ल्हाय्ता नपां थाकयो वल । वं वयाय् श्वयाय् मसियो म्वसः तल । Artificial म्वसः छत्थं हे ह्वः ह्व पुयो Original म्वसः खय् हिल वान । वं फिडां फिय मफय्क म्वस तयो च्वन । छाती हिइसे च्वडः पम्हूइथें च्वडः वल । वं थय्क छक गनां दियगु थाय् दैला जक स्वत । ओहो गजगु संजोग ? वं मियो तकगु छँ हनय् खनं थ्यडः च्वंगु । न्हः पां यां वयाता विश्वास हे मवां । व थःगु साँइयो दःगु छँ अः न्हँगु काथं साँइयो मियो दय्कगु जक न्यँ जक न्यंगु थःगु मिखालं हे खां बलय् गर्खेंसं ख्वः ज्यात । थः अब्जुं आना पातिलाय् च्वड बजां साल च्व निगु, अब्जुया ख्वः लुमांसे वयो वया नुगः पम्हूइथें च्वड वल । वं धाय्मखु धः सां हे म्हुतुं सः पिज्वल - 'अब्बा जिं द्रंकय् लात ।' व थःगु सलं थः हे थारा न्हूल । खुसी बलं चुइक हःगु सिं गिर थें व लाहा नेपां कपालय् तयो आनासं फ्यतुडः क्वछुड ख्वबी हाय्कः च्वन ।

व छगु अथाह दुःखया सागरय् दुडः च्वन । व थः दुनय् थः ता मालः आना हे ताड च्वन । थः ता मालय्गु इवलय् वया मनय् हकनं डातापोल्हया ताकी गः थें थाकु चः चं खाँ थागयो च्वन । 'पुखां दय्क तकगु सम्पति भ्नीगु कला व संस्कृति' वहे भ्नीगु संस्कृतिं जःगु सम्पति काय्या आधुनिकताया जाकेटं तपुयो थःगु क्वफ्यनं सुचुक च्वडाम्हा जि । काय् भाजु घर जगगाय् जूसेलिं छँ याता बाक्व अपा, बँयाता चा भपियो अजा अजिपिन्ता प्या छेली कुडः दः पिन्ता ग्वाहाली याडः च्वन । काय्मियो च्यो न्याय्गु बुद्धि ज्वडः विश्व सम्पदाया लागाय् च्वंगु छँ मियो अपलं बः वडगु थासय् जक न्हँगु बस्ती छँ दाडः च्वँ वान । थः जक त्याकय् मः म्हा लबसिं चाम्हा काय् भाजुया ब्यवहारं आनाया जलाखालां

सुं नं ग्वाहाली मया । लबः जक दैगु जुसा न्ह्यागुसां याइम्हा काय् भाजु न्ह्याब्लें हः जुइगु - भ्नी यत्थें छँ दानय् मरु थाय् भ्नी छाय् च्वनय्गु ? व नगरपालिकां धः थें यायता छु अमिसं छँ दड बिइगु खः ला ? जाबो ३५ प्रतिशत हपाताय् तुगु धेबा ब्यू बलय् छँ हे अमिसं दाडः बियागु थें पत्रिकाय् च्वयो ज्वीगु । अः हकनं नगर याय् पिन्ता जक मिय दै जक नगरपरिषदं पास याता हँ । व जनतां दुरुख्य् वांम्हा भुजिं थें हाकु तिड तः पिसं मुद्दा तयो तः बलय् अः हे मथां मियो छ्वय् माला दक काचा काचा सुयाता-सुयाता छँ मियो तकगु । वया मनय् कायँ हाल हल । गुलिसिनं नपालाइ बलय् हाय् अरा छंगु व साँइयो व इयो तः हांगु होटेलता मियो फुक्क छँ सितिकं दाडः ब्यूगु हँ । छंकय् गथे बुद्धिमता ? धः गुलिं थुखय् पाखय् हे स्वयो मवयागु नेदा प्यदा दत । थौं लौं ब्यू म्हा ध्वँ थें सन्ध्याकालय् प्याहाँ वयो थः ता च्यो च्यो ल्हा धाय्क च्वनय् मः गुलिं वया नुगः दुनय्या दह तज्याड, वयागु मनेया नारांछोता नागलिथें लिड च्वन । व थमनं मियागु छँ या फलय् च्वडः न्हयलय्ला-ज्वलय्ला धाय्थें च्वंकः भ्वसुड सुकुसुकु ख्वयो च्वन । वयाता वया मामं सः तः थें च्वड वल । 'ए पूता छ छाय् आंका ?' जक धः थें च्वन ।

जात्रा आना सिधय्कः क्वय् यंकगु हे वं मचाल । व भ्वसुडं तुं च्वन । थः गु मियागु छँ पसः तयो तः म्हा मस्यां नाः खं छ्वाकः वयागु भाषं ब्वः बिल गना गना त्वडः वल । थाना वयो दयो वल । थानासं बान्तयासा छुयाय्गु ? कः मथां दाड हँ । वं नाखं लुकं तुं च्वन । व भसड्गु न्हयलं चाल । चाक छिं स्वत । छम्हा नेम्हा मनू जक दः नि । व हथाय् -पथाय्सं दान । वं व छँ थास्वय तक मफूत । व लायँ ऐला मखु व छँ न्याम्हा मनूया बचनं कायो धे धे चुल । व याकचा फटाफट थःगु न्हँगु छँ पाखय् पला न्ह्याकल ।



न्हयःगूगु स्वप पौ, बःछि पौ(पाक्षिक)

वया मनय् छत्थुं हे हां डागुथें जुल । थः अबुजु पिसं कपः छगः भवलुयगु थाय् छक्वचा जूसां थः थाय् हे दय्के मः दक हिचःति हाय्कः ज्वगय् याड तःगु छँ थास्वय तक मफयो छम्हा अपराधिया कपः थें क्वछुड वान । चान्हय् नं वयाता ग्याचिकु



भुलां तयो तयागु विर्ता बँ, थमनं मियागु बँ खाड नुगः भर्ते वैथं जुयो उखय् पाखय् वं मिखा हे वाय्के मफूत । दाच्छी तक थःता मःमःगु तरकारी पिडः स्वय् दःगु तरकारी बैक थजगु पुछ्यौली बँ किसान पासापिसं म्हँव हक मदयकः बुथुं नयतांबलय् ल्वाडः,

म्हेवँ हक कायो ब्यूगु, भर्पाइ कायो ब्यूगु उगु बँ दः तलय् भी ऋणी थें जुला हँ । धेबा सै थाय् कः लि दछ्या सय्क चवना धा धां न्हयपं-न्हयपं मजुइक पार्टी याय् पासा पिसं न्यकला दक काय् भाजुं

जुयो वल । जात्रा नपां स्वः वय धः म्हा छँ च्वंम्हा जाहान या ख्वः लुमाड वल । वयाता ब्वड हयागु जूसा भारतं तुइन चफुडः स्याड ब्यूम्हा जयसिं धामी थें जुइगु ला दक मति तयो ब्वडः महयो भिं याडागु थें मति ताय्कसां मन धःसा चित्त बुभेयाय् हे फःगु मखु । वयागु पला हचिलाला, लिचिलाल यायां व छँ थयन । छँ बुहीम्हा मदेसीं इयालं क्वस्वयो थः ता हे पिड च्वंगु खनं जुयो चवना ।

छँ थयनय्वं वं खापा ध्या ध्या यायां सः तल । ब्वाम्हा अथे तं स्वयकगु तः दा लिपा जक खः । खापा चाय्कः वसेलिं सुयातां छुंमधसें थःगु क्वथाय् वान । गुब्बेनिसें भातिभाति याड मुड तःगु धेबा पिताय् हयो निडः च्वंगु खाडः काय्म्हा छत्थुं हे अज्जु चायो चवन ।

पहः छतिं हे मव । व याकचा फटाफट थः ता जेल थें कुडः तः गु व न्हँगु छँ पाखय् स्वयो वान ।

मिखालय गनां छुकिं कुगू मरु अयनं वर्षाया पाखा हः थें मिखालं ख्वबी हाल । नुगलं सहयाय् मफयो हिकहिक हे वल । वाता हिहि लाड हे ख्वय मःसिं वल । व माणि तांम्हा नाग थें अथे याय् थथेयाय् मदयकः उसिमिस दांकः छँ धः थाय् पला न्हयाकः चवन ।

मनूया सरासु हे मरुथाय् थयनय्वं खिचां उड डाय्थें -डाय्थें वल । थःगु थाय् बाय् त्वः त व पिन्ता मेपिसं गथे म्हासिइ । वयाता खिचां हे हेपे यागु थें जुल । वहे लार्यँ लिक्क या अजा अजिया

व सरकारय् वांगु पार्टीयाय्पुं लिसें जुयानिं मियो छ्वगु इलय् सही तयागु खाँ लुमाड वयाता थःगु बुहापातिं हे धेड छ्वय मःसिं वल । गुलि त्वालया दाजुकिजा पिसं आय् अरा ! छँ बँ छता मिय धाय मते । काय् मियो च्यो न्याय्गु थें जुइ धःगु खाँ थौं वयागु नुगलय् इवाब्यू वथें जुल । लकडाउन धायो छँ चवनय् मः बलय् मस्य्यां मिय हःगु तरकारी न्याड नय मः बलय् थः अजाअजिं ब्व ब्यूथें जुल । वया नुगः तयां तय मजिल । धेबाया लोभं थः मां ब्वा नपां मिइगु एम सी सी नं अथे हे याइगु धःगु लिं वया मनय् थथे यां ज्यान जायगा याके मज्यूदक छत्थुं हे ल्याम्होया जोश दाड वल । थःगु देशय थः नं कत जुइ धःगु खाँ थौं सत्य

थः जहानया न्हयपतय् च्वंगु तिसा नं त्वःधःगु न्यडः जहानम्हा छत्थुं हे आताहाँ चवना । वं खाँ छु जक मन्यसें थौं तक मभिं मयाम्हा मिजं नं स्वः गू ज्या छाय् याइ धा धां न्हयपतय् च्वंगु तिसा, ककुतय् क्वखायो तःगु सिखनं त्वयो बिल । थः कय् दःगु धेबा न्यू न्यू बुहीता थःगु नुगः खाँ प्वकल । बुहीया मन लांथुकु स्वं थें हवल । व आसे आसे धाधां वापुसा दुनय्, सञ्जुखय् तयो तःगु, जनि बाँ खय्, परासी बाखय् स्वथाड तःगु धेबा नं लिकायो छथाय् मुनय् हल । उब्ले हे खा हाल हल : । कु कु ल्यां कू ... !!! पिनय् बुलुहुँ तुइजला खानय् दयो वल ।

इनाप

ख्वप नगरपालिका पाखं पिथाड च्वंगु स्वप पौ बः छि पौ खय् बांलागु च्वसु त बियो ग्वाहाली याड दिसँ । उगु रचनाया ल्य ज्या याड पारिश्रमिक बियगु खाँ ख्वप नगरपालिकाया २०७७ श्रावण २६ गते च्वंगु बैठकं

क्वः छ्यूगु खाँ ब्याक च्वडा ।

सम्पादक
ख्वप पौ

स्वप दे व जन्या पुन्हीया छुं र्वाँ

आशाकुमार चिकंभञ्जार

‘जन्याया फाकं गालः वां थें’ जक बुलुहुं फाकं क्वदयो वांसेलिं लयो छवै । अलय् दुचु फाकं नइगु ई खः जन्या । अलय थुवले फाकं बू वयफः । फाकं बू वलकिं (फाकंमार्ये स्वं हवलकिं) तस्कं दसा मभिं जक धाई । जन्या बुलुहुं आकासं गाइगु वनं फुलुफुलु जक जुयो वानि । आकासय् भूतिमा खानय् दतिकं स्वर्गय् खवर यंकिम्हा भूतिमा धायो अः तस्कं व वयम्बल दक ब्वर्खाँ धः वानिगु काथं मचा तय्सं भूतिमा ब्वयकेगु याडः तगु दक धायो तःगु खः ।

म्हेगः नेपाली (काचि) भवैया भूतिमा दय्कः स्वदेशय् दःगु पँ, तिंया त्वाकछि, भतांकछि व छु चुं मः दायक भूतिमा दय्की । भूथाय् दःगु रडगया हाकुगु, हयोंगु छुपें तयो दय्की । थव भूथीगु सीप खः । अलय् भूतिमा दय्कः मिइ पिनिगु छगु ब्यवसाय नं खः । अलय् थौं कन्हे भूतिमा नं विदेशं वइगु खाँ न्यनय् बलय् भूथीगु नुगः कायँ हः । अलय् भूथीय् कःमि दाजु पिसं लतैं नं उलि मदय्कसेलिं उकिं नं भूथी पर निर्भर जुजुं वांगु खाँ अपलं मनु तय्सं सायद मस्यु जुई । नपां माजा व सुका नं अथेहे जुय धुंकल ।

अलय् जन्याया मेगु छगु हायँपुगु सन्देश मूलक जात्रा खः पुलुकिसी जात्रा, गुकि थानिम्हा यम द्योचा, अलय् जात्राया इलय् पिता हैगु मूपात्र जात्रा, उब्ले थायगु खिं, थी थी जात्रा नपांया किम्बदन्ती छ्यला व अन्धविश्वासया दुनयँ हाँ कायो

चवंगु विश्वासया खाँत अनुसन्धानया विषय जुयफः । अलय् साहित्यया विषय वस्तु नं जुयफः ।

छवपया थी थी थासं मानन्धर (सःमि) दाजुकिजा पिसं हैगु यामता स्वय फःसा मिखा त्यलाइगु धाय्गु नं छगु खाँ न्हिथानय् बहजु । स्वप्वा मता, ताः हाकगु पँखय् कापं हिडः चिकं बुलःच्याकः हैगु उगु यामता या जः बांलाक खाँ लाकि मखां धाय्गु vision check या छगु पहः खःला धाय् थें चवं । अलय् यामता बुलुसा मिखा त्यमलात दक यानं हःगु यामता स्वयो दापु दाइगु खः ला कि ? उकी हे मिखा त्यलाइगु धःगु खः ला ? अनुसन्धानया विषय जुयफः । अलय् गना यामता सीता आनाया छम्हा मनूसी धाय्गु खाँ खय् अक्सिजन मगाड व थासय् अपलं मनू चवड चवंगुली सासल्हाय् थाकुयो सी धाय्गु यामता सीगुलिं दसु काथं मःगु खः ला ? अलय् यामता थी थी द्योया प्रतीक काथं नं कायो तःगुलि जात्राया मर्यादा व हुलमुलं मेगु काथं मस्वयमः धाय्गु मतिं नं जुयमः ।

मेगु जात्राया छगु स्वय हायँपुगु व सय्के मःगु खाँ यम (जयन्त) द्यो याय्गु नं खः । थः मांया ब्रत चवनय्ता खाइसी खू वम्हा सिता चिडः तःगुलि खुयमज्यू धाय्गु सन्देश बियता काथं छिं । अलय् खाइसीया महत्व थी थी पितृपूजा, धलं, कय्ता





पूजा, नवदुर्गा द्यो ब्वयकेगु इलय् मायक तःगुलिं थुगु फलनय मज्यूसं पूजाया लागि मदय्क मगाकः तःगुलिं थुकिया वैज्ञानिक महत्व धःसा अनुसन्धानया खाँ जुयफः । अलय् यमद्योचाता क्वखाय्किगु भूस्वं ताः ई तक सुकुमचिइगुलिं तः न्हू तय् मः म्हा यमद्योता क्वखाय्कगु जुयमः ।

यमद्योचा पालयता वैम्हा मूपात्र मेगु स्वयलाइकगु जात्रा खः । थाय् थासय् तरवारं पालागु अभिनय याडः वैम्हा मुपात्र गनां राक्षस गनां जुजु काथं कायो च्वंगु दः । नेखय् नेम्हा धिचात तयो खियां तालय् वयो थाय् थासय् थाडः तः पुं यमद्योचा जक मखु द्योथाय् थ्यनकीं दर्शन यायां तरवार लुड वडम्हा मूपात्रं पुइगु (मुकुट) मटु नं तू -मत् दः जक धायो वयो च्वंगु दः । मत्पुं जूसा सिय्यो जक धायो च्वंगु दः । गुकीं जनतां जुजुया आशा यायमते दक बेक्वय्क ख्याडः च्वंगु थें च्वं । अलय मेकाथं स्वयबलय् न्ह्याथाय् नं तवं लुडम्हा जुजुता कानुनं थिय फैमखु धाय्गु ब्रकोति पिठवय तांगु खःला ?

अथेहे मसान भैरबता नायखिं थाडः आरां क्वखाय्क चाहिइकिगु नपां पुलुकिसी नं हैगु खः । पुलुकिसी इन्द्रया बाहां ऐरावट किसी नं धाय्गु याः । पुलुकिसीया स्वं खं थिलकीं दसा मभिनिगु दकः स्वं वाय्क है बलय् बिस्व्य जुइगु अः नं दः नि । अलय् पुलु किसीता मि पाकिगु, थाय् थासय् प्यदोकां लाथाय् वा नकेगु दक क्वछुक-क्वछुक जात्रा याइगु अलय् गुली किसीं वा नःगु ख व वालै बलय् कः लि, दछ्या जुइगु धाय्गु विश्वास याडः अपलं वानकय् मते जक बुढापाका पुं हाल जुइगु नं न्यनय् दः । अथेहे तला तुंथि नाः त्वंकिगु, किसीं नाः त्वकय् धुक उगु तुंथि नाः क्वलाइगु विश्वास नं याड च्वंगु दः ।

जात्रा दुनय् अनेक किम्बदन्तीं जाय्कः अन्धविश्वासया खापा चाय्कः विश्वासया क्वथाय् यंक प्याखं ल्हूइक तैगुलिं गुलिं संस्कृतिया पःख पुल वानय् फःगु मरुनि । संस्कृतिया पःख थागयो प्याखया महिना दक नं पूधा प्याखं क्यनिगु अः प्रविधिया विकास नपां टेलिभिजन वसेलिं ताडः वान । नपां सांस्कृतिक प्याखं ये देशय् क्यनय येकीगु ई नं खः ।

न्हयःगुगु स्वप पौ, बःछि पौ(पाक्षिक)

यमद्योचा छँ ल्याहाँ मवसेलिं थः काय् लुमांकः यमद्योचाय् मां खवइगु दक ज्ञन्या भर्रीता काइगु धःसा मौशम काथं पाय्छी काथं धायो तःगु खः । भुरुरुरु व वई, लिभः त्व त्वं व वइगु, अलय् भ्ना भू भ्नाभू वैगु व याता (भदौरे भर्री) ज्ञन्या भर्री थें जक ज्याखय् निरन्तरता मरुपिन्ता धाय्गु यागु धःसा भुक्त भोगीया स्यल्लागु दसु धाय्मः । थुगु बखतय् वा त्वयो बलुहुँ वागुजी क्वछुइगुलिं व फूतिं दायो वाया मञ्जरी हाय्कः वा पाकय् याइगु जक वैज्ञानिक दापुं खं नं धायो च्वंगु दः । अलय मोहनी दुस्वः वल दक छँ ताकिचां इलय्ता ताकिचा कः वानिगु,



बाँ इलय्ता सिँचा कः वानिगु ढलान छँ दः सेलिं रड्ग पाय्गुलिं मदयो वासां धुकु क्वथाय् पाय्ता जूसां मः दक थुगु महिनाय् भतिचा फूसद दैगुलिं कायोतय्गु यानी । अलय् बलुहुँ ताल्ला ताडः सिचुगु ई वैगुलीं शरद ऋतु सं पाँती ताड वाड हाय्पुगु मौसम वै । अलय् तः फव स्वं मुखुचिडः मोहनी थास्वः वगुलिं भन हाय्पुकः बिई । खाँ थुःसा नखा-चखा मखुसा फाकं क्वदःथें क्वःदई थुगु महिनाया सन्देश थें तायका ।

ख्वप नगरपालिकाया ज्या भवः त

प्याब्सनया अधिवेशन उलेज्याय्

भाद्र ३१

ख्वप नगरपालिकाया उप-प्रमुख रजनी जोशी जुं निजी तथा आवासीय विद्यालय संगठन (प्याब्सन) या नेकगू नगर अधिवेशन २०७८ या छगू मुंज्याया दशवी उलेज्या याडः दिल ।

ज्या इवः सं उप-प्रमुख जोशी जुं म्हवचा धेबां ख्वपय चिकित्सा शिक्षा वियगु मतिं ख्वप विश्व विद्यालय निस्वानयता सरकारकय स्वीकृति विया जक माग याडः च्वडागु खौं ब्याकसे कोभिडया हुनिं ब्वनय कुथि सःत ब्वंकयगु विषय स्वापु दःपुं नपां सल्हा बल्हा याडः वयकपनिगु बिचः न्यडः राय, सुभावात कायगु याडः च्वडागु खौं ब्याकसे वयकलं स्वास्थ्य सुरक्षा सम्बन्धी मापदण्ड पूर्वांकः सुरक्षित जुयो जक ब्वनय कुथि चाय्केता इनाप याडः दिल ।

ख्वप नगरपालिकाता जनतां यागु अपलं ग्वाहालीया हुनिं म्हवचा इलय् हे ख्वप अस्पताल, अक्सिजन प्लान्ट निस्वाड ख्वपया जनतातयता धेबा म्वाय्क इडः बियो वयो च्वंगु खौं ब्याकसे उप-प्रमुख जोशी जुं ख्वप नगरदुनयं चायकः च्वंगु सामुदायिक व संस्थागत ब्वनयकुथिसं स्थानीय पाठ्यक्रमं बांलागु लिचवः वैगु काथं ब्वंक दियता नं इनाप याडः दिल ।

ख्वप दे ता पर्यटकीय गन्तव्य स्थल काथं हज्याकयता थी

थी थासय् पर्यटन प्रवर्द्धनात्मक ज्या इवः याडः बः बियो वयो च्वंगु खौं काडः दिसे वयकलं कोरोना भाइरसया स्वकगु भेरियन्ट वयफः धायगु मतिं बिस्कं एकाइ चायकः हिंच्यादां क्वयया मचाखाचा तयता नपां आइसीयू व भेन्टिलेटरया ब्यवस्था यायगु कुतः जुयो च्वंगु खौं ब्याक दिल ।

ज्या इवः सं नगर शिक्षा शाखाया कृष्ण प्रसाद कर्माचार्य जुं कोभिडं याडः शिक्षा लागाय् तहांगु घः लाडः च्वंगु खौं ब्याकसे ख्वपया ब्वनयकुथिइ हे मचात सः तः आखः ब्वंकय वियता नगर शिक्षा शाखां मः काथं ज्या साडः च्वंगु खौं ब्याक दिल । नपां वयकलं ख्वप नगरपालिकां शैक्षिक लागाय् याः डः च्वंगु ज्या इवः या नं खौं ब्याक दिल ।

ज्या इवःसं सभाया नायो नपां प्याब्सनया नगरया नायो भाजु रमेश चन्द्र श्रेष्ठ जुं प्याब्सनय् च्वडः ज्या साडा बलय्या अनुभव काडः दिसे शिक्षाया लागाय् ख्वपं अः तक नां तयो च्वंगु ज्या भन च्वजायक यंकय् मः धायो दिल ।

ज्या इवःसं प्याब्सनया सल्लाहकार भक्त राजभण्डारी जुं इसान भक्तपुरया नायो पुरुषोत्तम ग्वाछा, एन प्याब्सन भक्तपुरया नायो पूणयराम कवां जु पिसं ज्या इवः बांलाक पूवानय् मः धायगु

कामना यासे शुभकामना न्वचु नं तयो द्यगू खः । प्याब्सन भक्तपुरया नेम्हा दुजः पुं चण्डिका कायष्ठ व विजेन्द्र लाल ध्वंजु पिसं नं थःगु न्वचु तयो द्यगू खः ।

ज्या इवःसं उप-प्रमुख जोशी जुं प्याब्सन नगर समितिया पदाधिकारी जुपुं व नगर प्याब्सनय सहभागी जुपुं ब्वनय कुथिता मतिनाया चिं लः ल्हाड द्यगू खः ।



जनप्रतिनिधि पुं नपां ब्वनय्कुथिया मचात

भाद्र ३१

राष्ट्रिय बाल हिंसाया लसताय ख्वप नगरपालिका वडा नं. ३ या ग्वसालय कोभिड १९ल्वय खानय् दः सेलिं मचा खाचा तयता लागु बाँमलागु लिचवः या विषयसं जनप्रतिनिधि पुं नपां ब्वनय् कुथिया मचात विषय ज्या इवः न्ह्याकल ।

ज्याइवःसं न्वचु तयो दिसे उप प्रमुख रजनी जोशी जुं ख्वप नगरपालिकां ख्वप नगर दुनय्या फुक्क वडाया रचनात्मक ज्या इवः त न्ह्याकः च्वंगु खाँ ब्याक दिल ।

वयकलं शिक्षा, स्वास्थ्य पौष्टिक आहार, ब्वनय्यं कार्थछिं गु लकस थजगु मचातय्यु नैसर्गिक अधिकार खः धायो दिसे मचातय्यता अमिगु बाल अधिकार इलय् हे काडः धवाथुइकः व सचेत याड तय्मः धायो दिल ।

मचातय्यता थःगु स्थानीय भाय नं बांलाक स्यडः तय्मःगु खाँ ब्याकसे वयकलं ख्वप दे नेपः देया दकलय् चिच्याक्वःगु नगरपालिका जूसां शिक्षा, स्वास्थ्य व सुचुकुचुया ज्या ब्वसेलाक साडः च्वंगु, च्वजःगु नगरपालिका खः धायोदिल ।

शिक्षा कण्ठयाड मनय्यसं तयो तय्यु बिद्या जक मखु धायो दिसे वयकलं ब्वनामिपिन्ता अनुशासित, इमान्दार व स्वाबलम्बी जुयमः दक स्यनय् मःगु खाँ खय् बः बियोदिसे नगरपालिकां गरिब व जेहेन्दार ब्वनामिपिन्ता छात्रवृत्ति शैक्षिक ऋण थजगु सुविधात ब्यु ब्यु वयो च्वंगु खाँ काड दिसे स्वास्थता बिचः याडः सुविधां जःगु ख्वप अस्पताल चाय्कागु खाँ नं ब्याक दिल ।



ख्वप नगरपालिका वडा नं. ३ या वडाध्यक्ष राजकृष्ण गोरा जुं शिक्षाता दकलय् हःनय तयो खुगु शिशुस्याहार केन्द्र, न्ह्यगु शैक्षिक संस्था न्ह्याक वयो च्वंगु नपां थी थी कासाया धिंधि बल्ला याडः वयो च्वंगु व याड वानय्यु बचं बियोदिल ।

ज्या इवः सं थी थी ब्वनय्यकुथिं वःपुं ब्वनामिपिसं कोभिड १९ सं थः ता जूगु समस्या, कोभिड मपुंकः पाडः तय्यता ख्वप नगरपालिकाया भूमिका, ब्वनय्यकुथि हे यंकः ब्वंकय्यु विषय थः थः गु जिज्ञासा न्यंगु खः । उगु ज्या इवःसं कार्यपालिकाया दुजः सुनिता अवाल व कृष्ण गोपाल चौगुठीं नं न्वचु तयो द्यगु खः ।

ख्वप्रिङ्ग एकेडेमी बधाइ ज्याइवः

असोज २

ख्वप नगरपालिकाया उप-प्रमुख रजनी जोशी जूया मू पाहाँलय् ख्वप्रिङ्ग एकेडेमीया एस.इ.इ. पास जू पूं ब्वनामिपिन्ता बधाइ, मार्ग निर्देशन नपां मतनाया चिं लः ल्हाय्यु ज्या इवः सं स्थानीय स्तरय् हे उच्च शिक्षा ब्वनय्य दैगु कार्थं ख्वप नगरपालिकां ख्वप विश्व विद्यालय चाय्केता माग याडः वयो च्वंगु उगु विधेयक पास जूसा स्थानीय निकायं विश्वविद्यालय चाय्कगु देया न्हपांगु स्थानीय निकायजुइगु नपां थःगु हे लगानी खय् न्हय्यगु शैक्षिक संस्थात चाय्क च्वंगु, शिक्षाया लागाय् बांलागु ग्वाहाली याडः च्वंगु खाँ ब्याक दिल वयकलं ।

वयकलं तः भ्वखाचां स्यंक ब्युगु अपलं सम्पदात ल्हवनय्य

कानय्य याय् धुंगु, भाजुपुखु, रानी पुखुया ज्या सिधै थें च्वंगु खाँ ब्याकसे एस ई ई पास जूपुं ब्वनामिपुं अनुशासित व इमान्दारीपूर्वक हज्याड सामाजिक उत्तरदायित्व बहन याय्यता नं हज्याय्यमः धायोदिल ।

उगु ब्वनय्य कुथिया सल्लाहकार भाजु ज्ञानसागर प्रजापति जुं न्ह्यागु विषय ब्वंसां बांलाक ब्वडः एमसीसी थजगु भीगु देता भिमयाइगु ज्याया विरोधय् दानय्य मः धायोदिल । उगु ज्या इवःसं प्रिन्सिपल विनोद प्रजापति, स.प्रअ. निरञ्जन प्रजापति व शिक्षक कृष्ण सुन्दर प्रजापति जु पिंसं न्वचु तयो द्यगु खःसा उप-प्रमुख जोशी जुं २०७६/७७ य् SEE पास जु पिन्ता मतनाया चिं लः ल्हाड द्यगु खः ।

ब्वनय् कुथि चाय्केता सल्हाबल्हा



खप नगरपालिकाया उप-प्रमुख रजनी जोशीया सभानकिलय् कोभिड १९ या हुनिं ताः ई निसे तिड तःगु ब्वनय् कुथि चाय्केगु विषय् सोमबार अभिभावक पुं व ब्वनामिपिनि प्रतिनिधिपुं मुंकः छगू सल्हाबल्हाया ज्या जूल ।

छलफलसं उप-प्रमुख जोशी जुं 'विद्यालय सञ्चालन सम्बन्धी कार्यढाँचा २०७७ खय् ब्वनय्कुथि तिय्गु व चाय्केगु क्वछियगु खाँ स्थानीय सरकारता ब्यगु खाँ काडः दिसे संक्रमणया जोखिम स्वयो नगरया ब्वनय्कुथि चाय्केता शिक्षा व स्वास्थ्यविद नपां सल्हाबल्हाया ज्या इवः हछ्याय्गु खाँ ब्याकः दिल ।

वयकलं खप नगरदुनय् कोभिडया ल्वगि त ब्रुलुहँ म्हँव जुयो वाड च्वंगु खाँ ब्याकसे थी थी स्वापु दः पुं नपांया सल्हाबल्हा सिधय्क सुरक्षित व ब्यवस्थित काथं ब्वनय् कुथि चाय्केगु खाँ काडः दिल ।

उप-प्रमुख जोशी जुं ब्वनय्कुथि चाय्के हाँ जनप्रतिनिधिपुं नपांया अनुगमन पुचः ता ज्या हज्याकय् बिय्गु, सकल विज्ञ, अभिभावक संघ, विद्यार्थी संघ पाखं वगु सुभावात बिचः याडः सुरक्षित जुयो स्वास्थ्य मापदण्ड पालना याडः ब्वनय्कुथि चाय्केगु व हिँच्यादां क्वयया ब्वनामिपिन्ता खोपया ब्यवस्था याय्ता नगरपालिकां मःकाथं (ब्यवस्था) या कुतः याय्गु खाँ ब्याक दिल ।

खप नगरपालिका वडा नं. ७ या वडाध्यक्ष उकेश कवां जुं खप नगर दुनय् कोभिडया ल्वगित म्हँव जुयो वाड च्वंगु खाँ ब्याक दिल ।

अभिभावक संघ खपया नायो भाजु राम कृष्ण प्रजापति

जुं ताः ई तक ब्वनय्कुथि तिडः तय् मःगु इलय् ब्वनामिपिनिगु शैक्षिक गुणस्तरय् म्हवः जु जुं वांगु नपां अभिभावक जु पिन्ता आर्थिक भारं क्वत्यलः यंकः च्वंगु खाँ ब्याकसे ब्वनय् कुथि चाय्केगु लिपा लाकः च्वनय् मज्यगु अलय् खोपया लागिं नगरपालिकां कुतः याय मःगु खाँ ब्याकः दिल । ज्या इवः सं नेक्राविसंघया कजि प्रकाश गुरुडं बःचा बःचा धिकपुं मस्त व म्हवचा दक ब्वनामिपुं दःगु ब्वनय्कुथि आना हे सःतः व मेपिनिगु खायँ पालं पः याडः ब्वनय्कुथि सः त ब्वंकय् मःगु, स्कूलय् सः तः आख- ब्वंकय्गु मयासेलिं प्रयोगात्मक कक्षात काय् मखांगु व ब्वनामिपिनिगु स्वास्थ्य बिमा व स्वास्थ्य उपचारय् नगरपालिकां बिचः याय्मः धायो दिल ।

छलफलय् अभिभावकया प्रतिनिधि पिसं स्वीकृति मकसे ब्वनय्कुथि हे सःत आखः ब्वंकसा उगु थासय् बांलाक अनुगमन याय मःगु, चिच्या चिच्याहिपुं मचातय्ता अनलाइन कक्षा उलि बांला मज्जुलिं ब्वनय्कुथि हे सः तः आखः ब्वंकय् मःगु सल्लाह बियो दिल ।

अथेहे विद्यार्थी प्रतिनिधिपिसं अनलाइन नपां ब्वनय्कुथि हे सःत आखः ब्वंकय्गु नेगूत विधिता हृदाय तयो ब्वनय्कुथि चाय्के मःगु कलेजय् हे वाडः प्रयोगात्मक कक्षा काय् दय मःगु, ब्वनामिपिन्ता मनोपरामर्स सेवा बिय मःगु बिचः त प्वंकगु खः ।

ज्या इवःसं नगर शिक्षा शाखाया कृष्ण प्रसाद कर्माचार्य जुं ब्वनय्कु थि चाय्केगु खायँ नगरपालिकां याडः च्वंगु खाँ त ब्याक दिल ।

ब्वनय् कुथि चाय्केता शिक्षासेवी व स्वास्थ्य कःमिपुं नपां

असोज ५

ख्वप नगरपालिकां कोभिड १९ सं याडः ता ई निसें तिडः तगु ब्वनय्कुथित चाय्केता शिक्षाविद व स्वास्थ्य कःमि पुं नपां मंगलबार जूगु सल्लाबल्हासं ख्वप नगरपालिकाया उप-प्रमुख रजनी जोशी जुं सुरक्षित व व्यवस्थित काथं ब्वनय्कुथि चाय्केगु विषयलय



थी थी स्वापु दःपुं मनूत नपां पालं प छलफल याडः रचनात्मक सुभावात बियो द्यूगु खाँ काड दिसे वहे सुभावा काथं सुरक्षित काथं स्वास्थ्य मापदण्ड पालना याड ब्वनय्कुथि चाय्के बियगु कुतः याड च्वडागु खाँ ब्याक दिल ।

वयकलं कोभिड १९ सं ब्वनामिपिन्ता गथे याड मपुकः तयगु धायगु विषयलय थःपुं संवेदनशील जुयागु खाँ ब्याकसे अभिभावक व ब्वनामिपिसं ब्वनय् कुथि चाय्कः बियादक माग तयो वयो च्वंगु दः धायोदिल ।

ख्वप नगरपालिका वडा नं. ७ या वडाध्यक्ष उकेश कवां जुं छलफलं बांलागु सुभावा त वगु खाँ ब्याकसे कोभिड ल्वय बुलुहुँ

म्ह्वेँ जुयो वाडः च्वंगु खाँ काड दिसे थजगु इलय ब्वनय्कुथि चाय्केता नगरपालिका सकारात्मक जूगु खाँ काड दिल ।

जिल्ला स्वास्थ्य कार्यालय भक्तपुरया प्रमुख कृष्ण मिजार जुं ख्वपय् कोभिड ल्वयया विरामीपुं म्ह्वेँ जुयो वाड च्वंगु खाँ काड दिसे 'विद्यालय सञ्चालन कार्यविधि' काथं ब्वनय्कुथि कक्षात चाय्के मःगु, ब्वनामिपिन्के छुं समस्या खानय् दःसा स्थानीय तहया स्वास्थ्य संस्थानपां स्वापु तयो समस्या ज्यंकय् मः धायोदिल ।

ख्वप अस्पतालया डा. रत्न सुन्दर लासिव जुं ब्वनय्कुथिं स्वास्थ्यया स्वापु तय्म्हा मनूया नां पिब्वयो ब्वनय्कुथिहे सः त आखः ब्वंकय् फेँ धायो दिल ।

ज्या इवःसं शिक्षा सेवी पुं विनोद चरण राय, लक्ष्मी भक्त बासुकला, योगेन्द्रमान बिजुकुँ, ज्ञानसागर प्रजापति, सुशिला कर्माचार्य, गीता के.सी., बालमुकुन्द बासुकला, अम्बिकामान मानन्धर, सिद्धिरत्न शाक्य, उद्धव सुजखु व गौतम प्रसाद लासिव जू पिसं विद्यालय अनुगमन बांलाक बल्लाक यंकय् मःगु विद्यालयं विद्यार्थी व परिवारया दुजः पिनिगु स्वास्थ्य अवस्था सिडकः च्वनय् मःगु, ब्वनय्कुथि हे सःत आखः ब्वंकय्ता अभिभावक पिनिगु तहांगु दवाव बियो च्वंगुलिं शैक्षिक गुणस्तर कायम यायता ब्वनय् कुथि हे सःत आख ब्वंकय् मःगु, छगू ब्वनय् कुथिसं छम्हा नर्स अन्तरगतया स्वास्थ्यकःमि पिन्ता ब्वनय् कुथि मदिसें अनुगमन याकः च्वनय् मःगु बिचः प्वंक दिल ।

ज्या इवःसं नगर शिक्षा शाखाया कृष्ण प्रसाद कर्माचार्य जुं स्मार्ट लकडाउन कार्यविधि, विद्यालय सञ्चालन कार्य विधिया खाँ काड दिसे ब्वनय् कुथि चाय्केता शिक्षक व कर्मचारीपिन्ता खोप वियमः धायो दिल ।

इन्द्रजात्राया इवलय्

आइतबार ख्वप नगरपालिकाया उप-प्रमुख रजनी जोशी जुं ज्ञन्या पुन्हीया इन्द्र जात्राया लसताय ख्वपया ऐतिहासिक तःपुखुली पालाचा च्याकः उलेज्या याड दिल । वहे इवलय् पुखु सिथय् स्थानीय महिला पिसं भजन हालय्गु ज्या इवः न्ह्याकगु खः । थुगु ज्या थुखुनुं हे दायें दायें पतिकं याईगु खः ।



प्राङ्गारिक सः दय्केगु तालिम क्वचाल

असोज ७



ख्वप नगरपालिकापाखं ग्वसः ग्वयो रिकिसी कम्पोष्ट प्रा.लि. या प्राविधिक ग्वाहालीख्य २०७८ भाद्र २४ गते निसें असोज १ गते तक्या हिन्ह्या तालिम रिकिसी विधिं नगरपालिकाया कर्मचारीपिन्ता ध्वगिङ्गु फोहरता नेपाली (कम्पोष्ट) सः दय्केगु स्यनेगु तालिम क्वचाय्कः ब्वति कायो द्यु पिन्ता दसि पौ लः ल्हाड दिल ।

ज्या इवःसं ख्वप नगरपालिकाया प्रमुख सुनिल प्रजापति जुं थजगु तालिमं नेपः व जापानया स्वापु क्वातुयो वानिगु विश्वास प्वंकः दिल । तालिमं सय्कगु सैद्धान्तिक ज्ञानता ब्यवहारिक रुपं सफल रुपं छ्यलय् मः गुलि बः बियो दिसे नगर प्रमुख प्रजापति जुं ख्वप नगरपालिका पाखं न्ह्याक च्वंगु कलेजं न्हँ न्हँगु प्रविधि मातुमाल खोज अनुसन्धान याडः च्वंगु खँ ब्याक दिल ।

वयकलं दम-म्वसः या विरामी पिन्ता सेवा बियता मति तयो जापान सरकारनपांया मंकः ग्वसः ग्वयो ख्वपया च्याम्हासिंगलय् श्वास प्रश्वास पुनः स्थापना केन्द्र चाय्कागु खँ ब्याकः दिल ।

ख्वप नगरपालिकां थानाया सम्पदा ल्हवनय् कानय्गु ज्या नपां विकास निर्माणया ज्या इवः सं विदेशी ग्वाहाली स्वयो स्थानीय जनताया सीप, ग्वाहाली व साथता ह्दाय् तयो ज्या साड च्वडागु खँ ब्याकसे फोहर मुडः, स दय्कः किसान तय्ता इड बियो तप्यंक ग्वाहाली जुङ्गु काथं ग्वाहाली याय्गु खँ काड दिल ।

ख्वप नगरपालिका वडा नं. ९ या वडाध्यक्ष नपां वातावरण व पर्यटन समितिया कजि रविन्द्र ज्याख्व जुं ख्वपया फोहरमैला

मुडः थासय्लाक छ्यलय्गुलि अभनं वैज्ञानिक व न्हँ न्हँगु प्रविधि छ्यलय्ता रिकिसी तालिम बियागु खँ ब्याक दिल । वयकलं ध्वगिङ्गु फोहरं याडः सहरहे ना वङ्गु लिं नगरपालिकां ध्वगिङ्गु फोहर ब्यवस्थापन यायां सः दय्केगु तालिमता अभनं बांलाक यंकय्गु खँ ब्याक दिल ।

ख्वप कलेज अफ इञ्जिनियरिङया प्राचार्य सुनिल दुवालं रिकिसी प्रविधिता धात्थे खय्क छ्यलय् फःसा फोहर थासय् लाकय् फैगु खँ ब्याकसे थुगु प्रविधिं अपलं अपः फाइदा काय्गु स्वयमः धायोदिल ।

रिकिसी कम्पोष्ट आयोजनाया प्रबन्धनिर्देशक उषा गिरी जुं ख्वप नगरपालिका नपां ज्याडः ज्यासानय्गु ह्वता चूलागुलिं लय्ता प्वंकसे ख्वप नगरपालिकां फोहर थासय् लाकय्ता याडः वयो च्वंगु ज्या तस्कं च्वछाय् बहजु धायो दिल ।

दसिपौ लः ल्हाय्गु ज्या इवः सं कार्यपालिकाया दुजः नपां वातावरण व पर्यटन समितिया दुजपुं नेम्हा सुनिता अवाल व सरिना द्योलां नं न्वचु तयो द्युगु खः ।

ज्या इवःखय् प्रशिक्षक पिनिपाखं सुरोज श्रेष्ठ, प्रशिक्षार्थी पाखं रमेश त्वीं त्वीं व रमिता तमखुं नं तालिम सय्कागु ज्ञानता ब्यवहारय् छ्यलः यंकय्गु तालिमया उद्देश्य खः धायो दिल ।

वहे लसताय् प्रमुख प्रजापति जुं जापानिज सी.एन.बी. एम प्रविधि प्राङ्गारिक सः दय्केगु तालिमय् दुतिपुं सहभागी प्रशिक्षार्थी व रिकिसी संस्थाता दसिपौ लः ल्हाड दिल ।



न्हयःगूगु स्वप पौ, बःधि पौ(पाक्षिक)

भर्कुअल टुर गाइड एण्ड रिफ्रेसर तालिम

असोज ४

विश्व पर्यटन दिवसया लसताय ख्वप नगरपालिकां अनलाइन पाखं स्वन्हुया भर्कुअल टुर गाइड एण्ड रिफ्रेसरपिन्ता तालिम थौं निसैं न्ह्याकल । ख्वप नगरपालिकाया उप-प्रमुख रजनी जोशी जुं तालिमया सामानत लः ल्हाड ज्या इवः उलेज्या याड द्यूगु खः ।

पिन्ता नगरपालिकां इलय्-ब्यलय् थजगु पुनर्ताजगी तालिम न्ह्याकय्ता बः बियो वयो च्वंगु खौं ब्याकसे कोभिडं याड थुगु लागाय् बाँमलाकः लिचव लाडः च्वंगु खौं ब्याकसे अः छुं ई भाति कमजोर जूसां थुगु लाग्ता अजनं तप्यनितिनी धायोदिसे पर्यटकपिन्ता सम्पदाया बारे धात्थें खःगु खौं कानय्ता बः बियो दिल ।



ख्वप नगरपालिका वडा नं. ९ या वडाध्यक्ष रविन्द्र ज्याख्व जुं ख्वप नगरपालिकां ई काथंया तालिमत बियो वयो च्वंगु, कर्मचारीपिन्ता परिष्कृत यायां वयो च्वंगु खौं ब्याकसे ख्वपया पर्यटन विशेष व मेथाय् स्वयो पाः धायो दिल । वयकलं सम्पदा पुनर्जागरित याय् मःगु जिम्मेवारी भ्नीगु खः धायोदिसे नगर दुनय् वाउँकः तयो तयगु व फोहर थासय् लाकय्गु विषय कर्मचारीपिन्ता तालिम बियो च्वंगु खौं ब्याक दिल ।

ज्या इवःसं वयकलं ख्वप देता पर्यटकीय गन्तव्यस्थल काथं हज्याकः यंकय्ता नगरया थी थी थासय् पर्यटन प्रवर्द्धनात्मक ज्या इवःत हज्याक यंकगु खौं ब्याकसे भर्कुअल टुर गाइड तालिमं क्षमता अप्वयो सांस्कृतिक सम्पदाया प्रचार-प्रसार याय्ता ग्वाहाली जुइगु खौं ब्याक दिल ।

विदेशी पर्यटक पिनिगु सेवा खय् जूपुं स्थानीय पथ प्रदर्शक

ख्वप नगरपालिकाया प्रमुख प्रशासकीय अधिकृत रामलाल श्रेष्ठजुं पर्यटक लाँजुव (पथ प्रदर्शक) पिन्ता हलिमय म्हासिइक विइपुं मनूत खः धायो दिसे ख्वप देता थःगु तृतिखय् दानय् फय्केता पर्यटन लाग्ता त्हांगु ग्वाहाली याइगु खौं ब्याक दिल ।

ज्या इवःसं ख्वप नगरपालिका पर्यटक सेवा केन्द्रया प्रमुख गौतम प्रसाद लासिवाजुं तालिम बियमःगु याय् खौं काड दिल ।

राजनीतिखय् मखुपुं मनूत द्रहँ वलकीं देश बर्वाद जुई

नेपाल मजदुर किसान पार्टीया नायो भाजु नारायणमान बिजुक्छें (का. रोहित) या मू पाहाँलय् शैक्षिक वर्ष २०७८/७९ खय् भर्ना जू वपुं ब्वनामिपिन्ता लसकुस नपां अभिमुखीकरण ज्या इवः शनिबार ख्वप कलेजय् जुल । ज्या इवःसं नायो भाजु बिजुक्छें जुं सरकारया भरय् जक च्वडः च्वंसा छुं ज्या मजुइगुः जनतात थः थमं हे सचेत जुयो हज्याय मःगु खौं ब्याकसे ख्वपया सचेत जनताया न्हयलुवाय् ख्वप कलेज निस्वांगु खौं कुल दिल ।

ख्वप देता न्हपानिसैं हे महिता मिखालं स्वइगु पक्षपात याइगु ज्या अः तक नं त्वः मतः नि धायो दिसे भ्नीकय् श्रम(ज्या) याय्गु मायां भुनय् मः, सम्मान याय्मः । पेशां मनूया स्वभाव व बिचः छु खः ? धाय्गु क्यनिगु खौं नं काड दिल ।

न्हयागु हे विषय ब्वंसां नं राजनीतिक विषयलय् थुइकः च्वनय्मः धायोदिसे नायो भाजु रोहित जुं मखुपुं मनूत राजनीति द्रहँ वल धःसा देशता बर्वाद याड त्वतिगुलिं देश व जनताया सेवा इमान्दारीपूर्वक याय् धाय्गु भिंगु मति दःपुं राजनीति वयमः धायोदिसे भ्नीकय् राजनीतिक चेतना दय्मः । राजनीतिक सचेतता मरुसा खःगु व मखुगु खौं ल्ययगु क्षमता दैमखु धायो दिल । वयकलं बांलागु शिक्षा व गतिलागु नेतृत्वं याडः चीन थौं हलिमय महाशक्ति काथं हज्याय फःगु धायोदिसे गरीबी न्हांकय्ता चीनं अजुचायपुकः प्रगति यागु खौं प्वंक दिल ।

ब्वनामिपुं अनुशासित जुयमः । ब्वनामिपिन्के देशभक्तिया भावनां जायमः । न्हयाथाय् हे वा सां, न्हयागु हे पेशा डः सां

न्हयःगूगु ख्वप पौ, बःछि पौ(पाक्षिक)

इमान्दार जुयो दे व जनताया सेवा याय्गु भावनां जाय् मः । देश व जनताया इमान्दारीपूर्वक ज्या सानय्गु भावना दःपुं मनु त गुब्ले हे निराश जुयमालि मखु धायोदिल । तः तः हांगु पार्टी धः पिनिपुं बुद्धिजीवी व नेता तय्के सं.रा. अमेरिकाता स्वयगु मिखा गलत जूगु खाँ प्वंकसे वयकलं एमसीसीं नेपःमि जनताता भिं मयाइगु नं खाँ ब्याक दिल ।

ख्वप विश्व विद्यालय स्वीकृति ब्यूगु जुसा हिंडागु लाखं एम.वि.वि.एस. ब्वंकय् फौगु, थःगु लबः (कता कार्ई) म्हवँ जुई दक निजी लगानीकर्तापिसं दबाब बियो सरकारता ख्वप विश्वविद्यालय स्वीकृत बिइकय् मब्यूगु खाँ वयकलं स्पष्ट याडः दिल ।

ख्वप नगरपालिकाया प्रमुख नपां ख्वप कलेज सञ्चालक समितिया नायो भाजु सुनिल प्रजापति जुं ख्वप विश्व विद्यालय चाय्केगु उद्देश्य ज्वड ख्वप नगरपालिका हज्याड च्वंगु खाँ ब्याक दिल ।

वयकलं जिमिसं म्हवचा धेबां गुणस्तरिय उच्चशिक्षा वियगु मतिं हज्याड च्वडागु दः धायोदिसे भ्नीपुं ब्वनामिपुं नीछगू सदिंया न्ह्यागुनं चुनौती नपां ल्वाय फःपुं जुई धायो दिसे ख्वप कलेज ब्यवहारिक शिक्षाख्य बः बियो दे व जनताय् समर्पित नागरिक ब्वलांकयता ग्वाहाली जुयोच्वंगु खाँ ब्याक दिल ।

प्रमुख प्रजापति जुं ख्वप कलेज लबः या निंतिं चायकगु मखसुं ख्वप नगरपालिकादुनयया नगरबासीपिसं पूगु करं ख्वप कलेजत न्ह्याक च्वंगु खः धायोदिसे कलेजया छगू छगू ज्या इवःत नगरबासीपिसं स्वयो च्वनिगु खाँ नं काड दिल ।

धेबा मदयो च्वय थ्यंक उच्चशिक्षा ब्वनय् मखाना धाय म्वाय्कः ख्वप नगरपालिकां नगरबासी ब्वनामिपिन्ता छम्हासिता डागु लाख तका दां म्हवचा ब्याजं शैक्षिक ऋणया ब्यवस्था याड च्वंगु, वांगु आर्थिक वर्षे जक ११९ म्हा ब्वनामिपिन्ता शैक्षिक ऋण बियागु खाँ नं वयकलं ब्याक दिल ।

नेमकिपाया अग्रज पिसं व्वनय् कुथित चाय्केगु लि बः



बियो ज्या साड वांगुया बांलागु लिच्वं थौं ख्वप शिक्षाया गन्तब्यस्थल जुयो वाय् च्वंगु खः धायोदिसे प्रमुख प्रजापति जुं एमसीसी सम्भौता याः सा देया सार्वभौमिकताख्य कंकुं क्यकिगु, कतं धः थें च्वनय् माय्कः उपनिवेश याइगुलिं नेमपिकपां दे डांक एम सी सी या विरोधय् जुलुस व विरोधसभा याडः च्वंगु खाँ नं काड दिल ।

प्रमुख प्रजापति जुं तप्यंक धायोदिल - जनताता नुगल्य दिइगु ज्या ख्वप नगरपालिकाया जनप्रतिनिधिपिसं याइ मखु । अलय सर्त तयो विइगु अनुदान भ्नीता म्वँः । अलय संविधानया भावना, सवैधानिक मूल्य मान्यता नपां शक्तिपृथकीकरण या सिद्धान्तया अखः सर्वोच्च अदालतं प्रधानमन्त्री ल्ययो तःगु गलत खः धायो दिल ।

ख्वप नगरपालिकाया उपमेयर नपां कलेज सञ्चालक समितिया उपाध्यक्ष रजनी जोशी जुं ख्वप देता ज्ञान विज्ञानया केन्द्र दय्केगु मतिं ख्वप नगरपालिका हज्याड च्वंगु खाँ ब्याकसे भ्नीपुं ब्वनामिपुं अनुशासित व गर्ब याय् लाइकपुं जुयमः धायोदिल ।

ख्वप मा.वि. या प्राचार्य प्रकाश कुमार श्रेष्ठं कलेज हछ्याय्ता ब्वनामिपुं व संस्थाया उलि हे लाहा दैगुलिं ब्वनामिपिकय् उर्जाशील भावना दयमः धायोदिल । ज्या इवःसं कलेजया प्राचार्य नपां एम बी.एस ज्या इवःया इन्चार्ज रुपक जोशी जुं व बी.बी.ए. कार्यक्रमया इन्चार्ज सुनिल सुवाल जुं नं न्वचु तयो द्यूगु खः ।

**ख्वप नगरपालिकाता न्ह्याबले सफा,
सुग्घर तय्गु सकल नगरवासीतय्गु कर्तव्य खः ।**



ब्हयःगूगु स्वप पौ, बःछि पौ(पाक्षिक)

ख्वप नगरपालिकां क्वः छ्यूगु खाँ



असोज ९

ख्वप नगरपालिकां शैक्षिक संस्थात असोज १० गते निसैं न्ह्याकिगु २०७८ सालया परीक्षा ब्वनय्कुथि हे सःतः काय्गु खाँ क्वःछिगु दः । शैक्षिक क्यालेण्डर काथं ब्वनय्कुथि काय्गु परीक्षा थ्वहे असोज १० गते निसैं जुइगु खाँ क्व छिडः तः गुलिं ब्वनय् कुथिसं स्वास्थ्य सुरक्षा मापदण्डय् च्वडः विद्यालय सञ्चालन सम्बन्धी कार्यढाँचा - २०७७ काथं नगर दुनयया फुक्क ब्वनय्कुथित आना हे सः तः जाँच काय् दैगु खाँ क्वः छ्यूगु खः ।

ख्वप नगरपालिकाया प्रमुख सुनिल प्रजापतिया मू नायोलय् असोज ९ गते शनिबार च्वंगु नगर शिक्षा समितिया बैठकं शैक्षिक संस्था सम्बन्धी मापदण्ड दय्कः चाय्केता फुक्क ब्वनय्कुथि परिपत्र यागु दः । बैठकं मापदण्ड काथं याडः च्वंगु दः मरु दक अनुगमन याय्गु नं खाँ क्वः छ्यूगु दः ।

कोभिड १९ या संक्रमणं याडः प्याहाँ वयो च्वंगु थौ या थ्व ग्यापुगु इलय् ब्वनय्कुथित चाय्के बलय् ब्वकिगु क्वथाया क्षतताया लिधंसाय् भौतिक दुरी दैगु याडः ब्वनामिपिन्ता तय्गु ब्यवस्था याडः, ब्वनय्कुथि ब्वनामिपुं नपां तप्यंक् स्वापु दय्क नपां च्वनिपुं शिक्षकपुं, कर्मचारी पुं, डाइबर, किलनर, फुक्कसिनं खोप कःमकः पक्का याय्गु, खोप काय् मधुंकपुं दःनि सा थिइक दःगु स्वास्थ्य संस्थाय् वाडः खोप काय मःगु खाँ या निर्देशन फुक्क ब्वनय्कुथि छोय् धुंकगु जुल ।

ब्वनय् कुथि चाय्के हाँ ब्वनय् कुथिया चाकलीं व ब्वंकय्गु क्वथाय् सुचुकुचु याडः निर्मलीकरण याडः ब्वनय्कुथिया भौतिक

अवस्था ब्वनामिपिनिगु ल्या व दःपुं जनशक्तिया लिधंसाय् छकलं व पाकः पाकः सिफ्टय् आखः ब्वंकय्गु ज्या याय् फै नपां ब्वनय् कुथिया मू लुखाय् (गेटय्) ब्वंकय्गु कोठाया पिनय् सेंनिटाएजर मखुसा साभूं थाडः लाहासिलय्गु ब्यवस्था याय्गु ब्वनय्कुथि द्रहँ वइबलय् मू लुखाय् ब्वनय्गु क्वथा व पाइखाना छ्यली बलय् ब्वनामिपुं पालंपः लाइन च्वडः, सामाजिक दुरी काथं तापाक्क च्वडः द्रहँ प्यहँ याय्गु नपां फुक्क सिनं मास्क मतः सिं मगा दक नगर शिक्षा शाखा. धःगु दः ।

नगरशिक्षा शाखां मापदण्डय् नगरशिक्षा शाखा, विद्यालय ब्यवस्थापन समिति, शिक्षक अभिभावक संघ व स्वापु दःगु वडा पाखं इलय् ब्यलय् अनुगमन व मः काथं समन्वयया ज्या सानय्गु, स्कूल बसय् सीट स्वयो अपः ब्वनामिपुं मतय्गु ब्वनय्कुथि सुं छम्हा शिक्षक व कर्मचारीता कोभिड फोकल पर्सन क्वः छिडः जिम्मा बियगु ब्वनय्कुथि स्वास्थ्य हेल्थ डेस्क तयगु व काचाक्क छुं न्हँगु परिस्थिति बलः धः सा नगर शिक्षा शाखाय् स्वापु तयो निर्देशन काथं ब्यवस्था याय्गु ।

कोभिड संक्रमण अप्वयो वसेलिं ख्वपया फुक्क ब्वनय् कुथि व शैक्षिक संस्था तय्सं अनलाइन पाखं कक्षा कायो च्वंगुलि थुगु ल्वय् म्हवँ जुयो वांसेलिं अभिभावक पुं व शिक्षकत नपां भ्नायो ब्वनय् कुथि हे सः तः आखः ब्वंकय् माला दक माग यासेलिं थ्वनं हाँ नगरपालिकां शिक्षक संघ, अभिभावक संघ, विद्यार्थी संघया पदाधिकारीपुं व स्वापु दःपुं नपां राय, सल्लाह सुभावा कःगु खः ।

प्र.जि.अ. शर्माता लसकुस



ख्वप जिल्लाय सरुवा जुयो भःम्हा प्रमुख जिल्ला अधिकारी रुद्रा देबी शर्मा जु याता ख्वप नगरपालिकाय लसकुस यात ।

उगु ज्या इवःसं नगरप्रमुख सुनिल प्रजापति जुं ख्वप नगरपालिकां थःगु तुतिख्य थः हे दानयगुली बः बियो वयो च्वंगु नपां सम्पदा ल्हवनय कानय ख्य विदेशी तयगु ग्वाहाली स्वयो जनताया साथ, ग्वाहाली व थःगु धायगु भावना ब्वलांकय बियो हज्याडः सम्पदा म्वाकः च्वंगु खाँ ब्याक दिल ।

२०७२ सालया तः भवखाचां व कोभिड ल्वयया महामारीखं ख्वप नगरया पहः व अर्थतन्त्रख्य बांमलाक लिच्चः लागुलिं वयकलं विपद न्यूनिकरणया लागिं ख्वप नगरपालिकां नेपाली सेना नपां मिलय जुयो थी थी तालिमत बिय धुंगु खाँ ब्याक दिल ।

हःनय वयो च्वंगु मोहनी नखा व स्वन्ति नखा थजगु तः हांगु नखा-चखायाता स्वयो खुँत, तस्करीत, ल्वापु याइगु, स्याड पालः हिंसात्मक अपराध जूइगुलिं उकिता पाडः अजगु अपराधिक ज्यात मजुइकेता वा म्हवँ यायता जिल्ला प्रशासन कार्यालय तस्कं सक्रिय जुयो हज्यायमःगु खाँ ब्याकसे प्रमुख प्रजापति जुं ख्वप नगरपालिका मेगु नगरपालिका स्वयो पृथक ढंगं (पाःक) हज्याडः च्वंगु खाँ काड दिल ।

ख्वप विश्वविद्यालय न्ह्याकयगु मतिं हज्याडः च्वंगु ख्वप नगरपालिकां न्ह्यगु शैक्षिक संस्थात न्ह्याकः च्वंगु, ख्वप अस्पताल चाय्कगु नपां ल्यासे ल्याम्होपिन्ता लाहातय ज्या दैगु काथंया तालिमत न्ह्याकः वयो च्वंगु खाँ नं प्रमुख ज्यू ब्याक दिल ।

ज्या इवःसं प्रमुख जिल्ला अधिकारी शर्मा जुं शान्ति सुरक्षाया काथं ख्वप नगरपालिकाता दकलय बांलागु जिल्ला दय्केगु, थः हदाय च्वडः ज्यासानयगु बचं बियो दिसे थः मनं ज्या साडागु इलय गुल्मी जिल्लाता देया स्वंगूगु शान्ति सुरक्षा दःगु जिल्ला काथं

म्हासिइका पिब्वयागु खाँ काड दिल ।

वयकलं ख्वप देता सुरक्षित जिल्ला काथं हछ्यायमः धायोदिसे जिल्ला प्रशासन कार्यालयया कार्यसम्पादन (ज्यापा) य् ख्वप नगरपालिका पाखं मः काथं ग्वाहाली याडः मंकः कुतलय ज्या याइगु विश्वास प्वंकः दिल ।

विपद ब्यवस्थापन समितिया बैठक च्वडः सम्पदा ल्हवनय -कानय्या ल्यं दःगु ज्यात फछिं फक्व चतारं हज्याकय माल धायोदिसे प्र.जि.अ. शर्मा जुं ख्वपय् शान्ति सुरक्षा यायता नगरया फुक्क वडाय् प्रहरीपाखं 'समुदाय प्रहरी साभेदारी कार्यक्रम' त न्ह्याडः च्वंगु खाँ ब्याक दिल ।

ख्वप नगरपालिकाया उप-प्रमुख रजनी जोशी जुं फुर्खा दय्क तकगु सम्पति भीगी कला व संस्कृति' या नारा धात्थे पू वांकयता नगरपालिका हज्याडः च्वंगु खाँ ब्याकसे ख्वप दे ता ज्ञान-विज्ञान व प्रविधिं जःगु थथाय् दय्केता न्ह्यगु शैक्षिक संस्थात न्ह्याकः दक्ष जनशक्ति ब्वलांकयता घ्वासा बियो वयो च्वंगु खाँ काड दिल ।

प्रमुख प्रशासकीय अधिकृत रामलाल श्रेष्ठ जुं ख्वपया ऐतिहासिक पृष्ठभूमि काडः दिसे ख्वप नगरपालिकापाखं याडः वयो च्वंगु (असल व नमूना) भिंगु व ब्वस्यलागु ज्याखं नगरपालिकां स्वायत्तताया ज्याया कुतः याड च्वंगु खाँ नं काड दिल ।

ख्वप नगरपालिका वडा नं. ९ या वडाध्यक्ष रविन्द्र ज्याख्व जुं न्ह्याकगु उगु ज्या इवलय नगरपालिका जनप्रतिनिधिपुं, नगरपालिकाया शाखा प्रमुख नपां नगरपालिकां न्ह्याकः च्वंगु कलेजया प्रमुख पुं भःगु खः ।

वहे ज्या इवःसं नगरप्रमुख प्रजापति जुं प्रजिअ शर्माता ख्वपया लोकं ह्वागु म्हवय्खा इयो व ख्वप नगरपालिकां पिथाड तःगु महत्वपूर्ण प्रकाशनत उपहारकाथं लःल्हाडः द्यूगु खः ।



न्हयःगूगु स्वप पौ, बःधि पौ(पाक्षिक)

एम सिसि हःसा नेपः दे ता नव-उपनिवेश याई

भाद्र २२

नेपाल मजदुर किसान पार्टीया केन्द्रीय दुजः सुनिल प्रजापति जुं एमसीसी सम्भौता अनुदानया नामय नेपः देता न्हूंगु उपनिवेश दयकेगु जः गवयो च्वंगु खाँ काडः दिल ।

नेमकिपा जुम्ला सम्मेलनय ब्वति काय्ता जुम्लाय् भुःम्हा



प्रजापति जू कय् मंगलबार खुल्ला आकाशया प्रतिनिधि मानबहादुर कुँवरनपां खँलाबल्हा यासे वयकलं देयाता मभियाइगु प्रावधानत दःगु एम सी सी सम्भौता मयाकय्ता जनतां संघर्ष याय्मः धायोदिल ।

एमसीसीया न्वकुं नेपःया नेता तय्गु छँ छँ वाड दवाब व

धम्की ब्युगु दः । विदेशी तय् हःनयँ छक कपः क्वछुकय् धुकुं (नेतृत्व) न्हयलुवा तय्सं बारबार कपः क्वछुकः जुयमालिगु ई वै दक प्रमुख प्रजापति जुं धायो दिल । छगू छगू पुलांगु बिचः ता न्हूंगु बिचः व प्रगतिशील बिचलं मदय्कः ह्यो यकी । ब्यक्तिगत स्वार्थता हदाय तयो ज्या सानिगु पुलांगु पुँजीवादी बिचःया विरुद्धय् अपलं मनूतय्गु सामुहिक स्वार्थया रक्षा याइगु समाजवादी बिचः या विकास जूगु खः दक वयकलं स्पष्ट याडः दिल । सरकारय् सु च्वना धाय्गु स्वयो वं गजगु ज्या साड च्वना धाय्गु मू खाँ खः धायो दिसे वयकलं संघीयता व प्रजातन्त्र बल्लासा स्थानीय जनतात तप्यंक द्रहँ वय दैगु स्थानीय तक बल्लाकय् मःगु खाँ काड दिल । दुःख याय्गु खाँ अः देशय् संघीयताया अखः ज्या जुयो च्वंगु खाँ ब्याकसे नेमकिपां नेपः मिपिनिगु स्वाभिमानय् घः लाइगु छुं नं गवाहाली मकाइगु खाँ धायोदिसे वयकलं गुलि अपः जनता दुथ्याक दुनुगलं निसे गवाहाली याडः विकासया ज्या याई उलि व ज्या ताः तुइगु खाँ प्रस्ट याडः दिल ।

मंगलबार वयकलं जुम्लाया कर्णाली स्वास्थ्य विज्ञान प्रतिष्ठान स्वभ्काल उगु प्रतिष्ठानय् थी थी विषयत ब्वंकः च्वंगु नपां स्वसगु शय्याया स्वीकृति दःगु खाँ नं थुइक दिल ।

विदेशी अनुदानलिसें विदेशी स्वार्थ नं वइ

असोज ४

नेपाल मजदुर किसान पार्टी बाँके जिल्ला समितिया गवसालय जिल्ला स्तरीय कार्यकर्तापिनि दशवी सोमबार छगू प्रशिक्षण ज्या इवः जुल । ज्या इवःसं नेमकिपाया केन्द्रीय दुजः सुनिल प्रजापति जुं विदेशी अनुदान लिसें विदेशी स्वार्थ नं वैगुलिं सचेत जुयमः धायोदिल । वयकलं -फवडः नय्गु बानी दतलय् भीगु इज्जत दैमखुनी नपां एमसीसी परियोजना राष्ट्रघाती जूगुलिं नेमकिपां थुगु विषयलय् जनताता सचेत यायां विरोध याडः वयो च्वंगु खाँ काड दिल ।

एनजिओ दुतिंगु हुनि युगोस्लोभाकिया न्हय्गु क्वचा दांगु, खाँ ब्याकसे केन्द्रीय दुजः प्रजापति जुं युगोस्लाभाकियाया घटनां नेपः मिपिसं ज्ञान काय्मः धायो दिसे एन जि ओ व आइ एन जि ओ देश विकास जुइमखु तः तः हांगु पार्टी धःपुं सत्ताय् च्वडः च्वंपुं शासक दलया नेतात विदेशीया इसाराय् प्याखं ल्हयो च्वंगुलिं हे थौं देया स्थिति अखय्ला थखय्ला मदयो च्वंगु खाँ ब्याकसे वयकलं सामाजिक स्वामित्वया थासय् निजी स्वामित्वया पालिड च्वंपुं पार्टीत पुँजीवादी पार्टी खः धायोदिसे राजनीतिक दल तछ्याय्गु, संसद पुनः स्थापनाया निर्णय, राष्ट्रपतिता परमादेश जारी यागु, सर्वोच्च अदालतया निर्णय

संसदया सर्वोच्चताया अखः खः धायो दिसे वयकलं पुँजीवादी संसद पुँजीपति वर्गया अवैध (मज्यूगु) ज्या याता वैध (ज्यू) दक याकिगु थाय् खः धायो दिल । नपां वयकलं इमान्दार कार्यकर्तापिन्ता प्रतिक्रियावादी वर्ग अनेक लोभ क्यडः जालय् लाकिगु खायँ वयकलं सचेत जुयमः धायोदिल ।

पार्टीया वैकल्पिक केन्द्रीय दुजः राजेन्द्र चवालं एमसीसी सम्भौतां नेपः ता भिं मयाइगुलिं उगु परियोजना खारेज मयातलय् जनतां खवरदारी याडं तुं च्वनय् मः धायो दिल ।

नेमकिपा बाँकेया बखत थापाया सभानायोलय् जूगु उगु ज्या इवःसं अञ्जिर बहादुर शाही, दिल्ली बहादुर पुन व रुपेश श्रेष्ठ जु पिसं नं थः थः गु बिचः प्वंकः द्यूगु खः ।

भेलां बखत बहादुर थापाया कजिलय् हिगुम्हासिया नेमकिपा नेकगू बाँके जिल्ला सम्मेलन तयारी समिति निस्वान ।

अथेहे असोज ५ गते नेपाल मजदुर किसान पार्टीया केन्द्रीय दुजः नपां खवप नगरपालिकाया प्रमुख सुनिल प्रजापति जुं कैलाली जूगु पार्टी कार्यकर्ता प्रशिक्षणय् पुँजीवादी संविधानं



जनताता भिं मयाइगु खाँ काड दिल् । उगु खाँ कैलालीया मलिका एफ.एम. या रमेश बजगाई जुं संविधान दिवसया लसताय कःगु खँल्हाबल्हाँ खय् न्हि थाड द्यगु खः ।

नेपःया संविधान समाज विकासक्रमया छपला जक खः धायो दिसे थुगु संविधानय् नेमकिपां अपलं हिलय् मःगु खाँ तः बियागु खः अथेनं जन-आन्दोलनया उपलब्धीकाथं हःगु उपलब्धीता संस्थागत याडः जनताया भिं जुइगु ज्याखय् हकनं अपः लं उपलब्धीकाय्ता मदिकक संघर्ष याड च्वनय्गु नीति नेमकिपां कायो च्वंगु खः प्रमुख प्रजापतिजुं धायोदिल् ।

व्यकलं संघीयताया पक्षपाती शासक दलत 'नक्कली नागया शौखिन' खः दक द्वपं बियोदिसे संघीयताया नामय शासक दलपुं स्थानीय तहया अधिकार क्वत्यलः केन्द्र व प्रदेशय् सं लाक तय्गु कुतः याडः च्वंगु खाँ काड दिल् । कर्मचारी भर्ना, बहुवा यायगुलि स्थानीय तहया अधिकार लाकः काय धुंकगु दः । योजना ल्यय्गु प्रदेश व केन्द्रं याय धुंकगु दः । प्रदेश गृहमन्त्री स्वयो प्रमुख जिल्ला अधिकारी बल्लाक तःगु दः । स्थानीय तहया अधिकार लाकः काइगु थव गजगु संघीयता ?

ख्वप नगरपालिका मेगु नगरपालिकास्वयो छु छु खाँ खय् पाः दक न्यंगु न्हयसया लिसः बियो दिसे व्यकलं शिक्षाया लागाय् शिशु स्याहार केन्द्र निसें कलेज तक चाय्क तःगु, गरिब ब्वनामिपिन्ता

शैक्षिक ऋणबियो च्वंगु, भूगोल, इतिहास, राजनीतिशास्त्र ब्वनिपुं ब्वनामिपिन्ता फुक्क धेबा पुलः बिय्गु ब्यवस्था नगरपालिकां याड वयो च्वंगु खाँ नं ब्याकसे स्वास्थ्यया लागाय् छँ छँ नर्सिङ सेवा, ख्वप अस्पताल चाय्कगु, निःशुल्क कोभिड उपचार सेवा, नगरबासीपिन्ता धेबा म्वाय्क अक्सिजन इडबियो च्वंगु नपां विकास निर्माणया नामयँ स्थानीय जनतात दूतिडः सम्पदा ल्यंकः म्वाक तयागु, सुचुकुचु थजगु ज्याखय् मौलिक शैलिखय् ज्या साडः च्वंगु खाँ ब्याक दिल् ।

बिचः तःहां चिच्याहां धाय्गु दैमखु । नेमकिपां निर्वाचनता विचया लडाईं काथं कायो च्वंगु दः । पुँजीवादी ब्यवस्थाया विरुद्ध नेमकिपां मदिसे संघर्ष याड च्वनि । नेमकिपां राजनीति धाय्गु देश व जनताया इमान्दारीपूर्वक सेवा याय्गु काथं काई । प्रमुख प्रजापतिं स्पष्ट याड दिल् ।

व्यकलं देशघाती एमसीसीया विरुद्ध नेमकिपां जिल्ला-जिल्लाय् संघर्ष याडः च्वंगु खाँ ब्याकसे संसदं अनुमोदनयाःसा दे उपनिवेश जुइ दकः धायो दिल् ।

नेपः देशय् राजनैतिक अस्थिरता याय्गुलि भारतया लाहा दःगु द्वपं बियो दिसे व्यकलं नेपःया राजनैतिक दलया नेता त भारतीय विस्तारवादया गोटी जुयो च्वंगु दः उकिं सचेत नेपाली जनतां भारतीय विस्तारवादया सशक्त विरोध याय् मः धायोदिल् ।

**नगरपालिका भीगु हे संस्था खः
इलयहे करपुल ग्वाहाली याय्नु**

नेमकिपाया हिप्यकगू जुम्ला जिल्ला सम्मेलन

भाद्र ३०

नेपाल मजदुर किसान पार्टीया हिप्यकगू जुम्ला जिल्ला सम्मेलन स्थानीय चन्दन नाथ नगरपालिकाय् जुल । सम्मेलन उलेज्या यासे पार्टीया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं नेमकिपाया उद्देश्य जनताया प्रजातन्त्र, समाजवादतक थ्यंकय्गु खः धायो दिल ।

वयकलं उत्पादनया साधन फुक्कं सामाजिकीकरण, रोजगारीया सुनिश्चितता, निःशुल्क शिक्षा व स्वास्थ्य उपचारया ब्यवस्था योग्यता काथंया ज्या व ज्या काथंया ज्यालाया बन्दोबस्त



जुइगु समाजवादी ब्यवस्था खः धायोदिसे साम्यवाद वर्ग व राज्य मदैगु शोषण मरुगु समाज खः गना क्वत्यलय् मःपुं वर्ग मदैगुलिं राज्यसत्ता दैमखु धायोदिल । साम्यवादय् योग्यता काथंया ज्या व मः काथं इड बियगु ब्यवस्था दैगु छगु सुसंस्कृत समाज खः धायो दिल ।

ढवनय्कुथि, कलेज, विश्वविद्यालय, अस्पताल, कलकारखाना निजीकरण याकय् बिइपुं कम्युनिस्ट जुय फैं मखु धायोदिसे वयकलं देया कलकारखाना चा भालाया मूलं मिइपुं एमाले माओवादी नपां तः तः हांगु पार्टी धःपुं नक्कली कम्युनिस्ट खः धायोदिल । मार्क्सवादी सिद्धान्त काथं सशस्त्र संघर्ष जक ज्यासाड नैपुं ज्यापु -ज्यामिया शासन सत्ता ह्य् फैं । निर्वाचनय्

भाद्र ३१

नेपाल मजदुर किसान पार्टी जुम्ला जिल्ला समितिया हिप्यकगु जिल्ला सम्मेलन पूर्णलाल खत्रीया नायो सुई नी छम्हासिया जिल्ला समिति निःस्वान । उगु सम्मेलनया बन्द सत्र सं नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं कम्युनिस्ट कार्यकर्तापिसं बहुमत जनताया पक्षख्य् मदिसें लोभ लालच मतः सिं थाकुमचसैं इमान्दारी पूर्वक ज्या सानय् मः धायो दिल ।

त्याक समाजवाद निस्वानय्गु विचः संशोधनवादी विचः खः संशोधनवाद छगु काथं पुँजीवादी विचः खः । चुनावता क्रान्ति व जनताया पक्षख्य् छ्यलय्गु क्रान्तिकारी संसदवादया पक्षख्य् नेमकिपा हज्याडः च्वंगु खः । नेमकिपां निर्वाचनता जनताया चेतनास्तर नापय याय्गु दापु (ब्यारोमिटर) व जनताता सचेत याय्गु दुबुकाथं छ्यल वयो च्वंगु दः । जनता सचेत मजतलय् पुँजीवादी निर्वाचनय पुँजीपति वर्ग करौडौ तका खर्च याडः धेबा हवलः चुनाव त्याकीगु खाँ वयकलं काडः दिल ।

विदेशी तयसं एमसीसी पास याकय्ता जः ग्वयो च्वंगु खाँ थुइकः विरोधयासेलिं अपुं बुलुहुँ असफल जुयो वाड च्वंगु खाँ काडः दिसे केन्द्रीय दुजः सुनिल प्रजापति जुं देया राजनीतिक अवस्था भद्रगोल याय्गुलिं विदेशी तयगु तः हांगु लाहा दः धायोदिसे सर्वोच्च अदालतं राष्ट्रपतिता परमादेश जारी यागु, प्रधानमन्त्री थुम्हा जक क्वः छिगु, सांसद पिन्ता हवीपलगय् मजुइगु निर्दलीय आदेश जारी यागु, दल विभाजन यागु, संसदीय सर्वोच्चताया सिद्धान्तया अखः खः, धायोदिसे प्रधानमन्त्रीय प्रणालीख्य् प्रधानमन्त्रीता संसद विघटन याय्गु विशेषाधिकार दई दक धायो दिल ।

नेमकिपाया बैकल्पिक केन्द्रीय दुजः राजेन्द्र चवालं अमेरिकाया एमसीसी परियोजना आर्थिक परियोजना जक मखुसैं भारतया साथ कायो चीन नपां ल्वाय्गु अमेरिकाया हिन्द प्रशान्त रणनीतिया छगु अड्ग जूगुलीं परियोजनाया मू राजनैतिक उद्देश्यबारे सचेत जुयमः धायोदिल ।

नेमकिपा जुम्ला सम्मेलन तयारी समितिया कजि शिव लाल डाँगीया सभानायोलय् जूगु उगु ज्या इवःसं राजेश्वर देवकोटा, धन बहादुर रावत, दीर्घबहादुर शाही, बृष बहादुर सार्की, काली बहादुर बुढा, रण बहादुर रोकाया, राज्य लक्ष्मी न्यौपाने वृष बहादुर रोकाया, लाल बहादुर बुढा गोरख जड्ग शाही, लक्ष्मी खत्री, माधव प्रसाद काफ्ले व हस्त बहादुर कुँबर जु पिसं नं न्वचु तयो द्यगु खः । सम्मेलनया 'बन्द सत्र' बिहिवार जुइगु ज्या इवः दः ।

जुम्लाय् खत्री नायोख्य् निर्वाचित

वयकलं न्ह्यलुवापिसं पार्टी कार्यकर्तापिनिगु छगु छगु पक्षता स्वयो च्वनिगु, समिति पार्टीया न्ह्यलुवात ल्यइबलय् सक्षमम्हा ल्यय्मः धायोदिसे शत्रुता सुपतं बिं खाडः जुयमः धायो दिल । सोभियत संघया अस्थायी हारं शिक्षा कायमःगु खाँ ब्याकसे संघीयता नक्कली नागया शौखिन थें जूइ धुंगु खाँ ब्याक दिल ।

न्ह्यलुवापिसं सिद्धान्तया दुग्यंकः अध्ययन याड हज्याय



मफूसा मेपिसं धःगु खाँ खः थें च्वड कतं धः धः थें याडः जुय मालिगुलिं सिद्धान्त दुयंकः ब्वडः जनताया सुखःदुःख खय् थःता पाडः यंकय्मः धायोदिल । कम्युनिस्टपिसं जातीय, क्षेत्रीय व साम्प्रदायिक भावना त्वःत वर्गीय भावनाता कः घाडः ज्या इवः न्ह्याकय्मः धायोदिल । युगोस्लोभाकिया पाखं शिक्षा काय्मः गु

खाय् नं वयकलं बः बियो दिल ।

ज्या इवःसं नेमकिपाया वैकल्पिक दुजः राजेन्द्र चवाल जुं निवर्तमान जिल्लाया नायो शिवलाल डाँगी, दीर्घबहादुर शाही, कृष्णलाल न्यौपाने व लक्ष्मी कठायत जु पुं नपां निर्वाचित ज्यूो द्यु पिन्ता शुभकामना देछायो दिल ।

कैलाली कार्यकर्ता मुनय्ज्या

असोज ४

नेपाल मजदुर किसान पार्टी कैलाली जिल्ला समितिया ग्वसालय आइतबार लम्की, 'वर्तमान राजनीतिक परिस्थिति' या विषयसं जूगु कार्यकर्ता प्रशिक्षणय् नेपाल मजदुर किसान पार्टीया केन्द्रीय दुजः सुनिल प्रजापति जुं एमसीसी सम्झौतां नेपः दे व नेपः मि पिन्ता भिं मयाइगु नपां भ्नीगु देया सार्वभौमिकता लाकः काइगु सम्झौता नेपः मि पिसं स्वीकार याय् फैमखु धायोदिसे नेपः देशय् अस्थिरता याडः तय्गु भारतीय विस्तारवादया स्वार्थ खः धायोदिल । प्रचण्ड, माधव व देउवाया सरकार भारतीय स्वार्थ पूर्वाकयता दय्कगु धाय्गु सावित जूगु खाँ ब्याकसे वयकलं विदेशीया स्वार्थ काथं ज्या सानिपिनिगु सत्ता गठबन्धनं हे देशय् भद्रगोल जुगु खाँ ब्याक दिल ।

संघीयताय् स्थानीय तह भन बल्लायमःगुलि शासक दल पिसं अजनं फुक्क शक्ति केन्द्रयसं तयो तय् तांगुलि देशय् नक्कली संघीयता लागु याइगु अवस्था वय धुंगु खाँ केन्द्रीय दुजः प्रजापति जुं धायो दिल । प्रदेशया मुख्यमन्त्री स्वयो प्रमुख जिल्ला अधिकारी बल्लाइगु काथं ज्या साडः च्वंगुलिं संघीयता स्यल्लाय मफःगु खः धायो दिल ।

नेमकिपाया केन्द्रीय दुज खगेन्द्र बहादुर शाही जुं एमसीसीपरियोजनां नेपालय् साम्राज्यवादी तय्सं युद्ध याय्गु जः ग्वयो च्वंगु व अमेरिकी साम्राज्यवादया लिधांसाय नेपःया ज्या साडः



नैपुं ज्यापु ज्यामिया आन्दोलन न्ह्यूता नेपःया शासक दलपुं एमसीसी पारित याय्ता हथाय् चायो च्वंगु खाँ काड दिल ।

नेमकिपाया वैकल्पिक केन्द्रीय दुजः राजेन्द्र चवाल जुं भारतया लाहा ज्वडः चीनता घेराविय्गु ज्या सं.रा. अमेरिकां हिन्द-प्रशान्त रणनीतिया एमसीसी परियोजना नेपालय् हय्गु कुतः याडः च्वंगु खाँ ब्याकसे एमसीसी परियोजना निस्वांगुया हुनि अफ्रिकाय् चिनियाँ प्रभावया विरुद्ध ल्वाय्गु मतिं यागु खः । नेपालय् नं थवहे उद्देश्य तयो ज्या साडः च्वंगु खः धायोदिल ।

नेमकिपा कैलाली जिल्ला समितिया नायो रमेश रावलया सभानायोलय् जूगु मुंज्याय् गगन थापा, गुप्त बहादुर शाही, लक्ष्मी पुन व हिक्मत भण्डारी नं थः थः गु न्वचु तयो द्युगु खः ।

सांस्कृतिक गुरुपिन्ता हानय्ज्या

असोज ११

नेपाल मजदुर किसान पार्टीया नायो भाजु नपां वरिष्ठ राजनीतिज्ञ नारायणमान बिजुक्छेँ (का.रोहित) जुं सांस्कृतिक धरोहरया सीप, कला व अनुभवता हनाबना याय्गु हे गुरुपिन्ता हानय्गु खः धायोदिल ।

विश्व पर्यटन दिवसया लसताय ख्वप नगरपालिका पाखं सोमबार ग्वसः ग्वगु सांस्कृतिक गुरुपिन्ता हानय् ज्या नपां स्थानीय लाँजुव (पथ प्रदर्शक) पिन्ता दसिपौ लः ल्हाय्गु ज्या इवःसं नायो भाजु बिजुक्छेँ जुं सांस्कृतिक गुरुपिसं थःगु जीवनय् यागु अनुभव, ज्ञान, कला व सीप न्हँगु पुस्ताय्तक थ्यंकय्ता च्वयो तयमःगु (लिपिवद्ध याय् मःगु) खाँ काड दिल् ।

विदेशी शक्ति राष्ट्रतय्सं मेमेगु दे वा थाय्या दुनय्या खाँ सिङ्केता वङ्गु अलय् कानय् मज्युगु पिब्वय् मज्युगु नुगः खाँ (रहस्य वा गुदुखाँ) सिङ्कानिं जक आक्रमण याङ्गुलिं लाँजुवपिसं पिनयनं वैपुं पर्यटकपिन्ता देशया सेना, ब्यारेक, ल्वाभ व दुनय्या ल्वापुया खाँत कानय् मते दक बः बियो दिल् । नायो भाजु रोहित जुं थानाया कला, सीप, विदेशीता स्यङः भ्नीगु थःगु मौलिक कलात मम्वाङ्गु खाँ नं ब्याक दिल् ।

राजनीति शास्त्र म्बवनिपुं सांसद मन्त्री व नेतातय्सं थःगु ज्या याय्मःगु कर्तव्य व जिम्मेवारी मथुयो देशय् राजनीतिक सङ्कट व अथेयाय् थथेयाय् मरुगु अन्यौल स्थिति खानय् दःगु खाँ काडः दिसे वयकलं नेतातय्सं राजनीतिक सिद्धान्त व बिचः स्वयो लोभ क्यङः धेबा ह्वलः कार्यकर्तात त्याकय्गु ज्या यासेलिं देशय् तः हांगु समस्या वगु खः धायोदिल ।

नेमकिपाया केन्द्रीय दुजः नपां बागमती प्रदेशया सांसद भाजु सुरेन्द्रराज गोसाइँ जुं ताः ई निसें सांस्कृतिक लागाय् मदिकक सेवा याङ्गु वयो च्वंपुं गुरुपिन्ता हानय्गु ज्या जनतां व नगरपालिकां यागु च्वछाय् बहगु खाँ खः धायोदिल ।

कला, संस्कृति, भाषा व साहित्यया लागाय् स्यल्लागु ग्वाहाली याङ्गु वयो च्वंपुं गुरुपिनिगु सीप, कला, अनुभव व ज्ञान दे व समाजया सम्पति खः ।

थ्व छाय् मदय्क मगा ? थुकिया महत्व छु खः दक थुङ्क न्हँगु पुस्ताता काडः अमिता लः ल्हाङ्गु तकय्मःगु थौ या माग खः, वयकलं धायोदिल ।

प्रदेश सांसद गोसाइँ जुं- प्याखं, म्यें सङ्गीत कलात च्वयो तय फःसा कला-संस्कृति म्वाङ्गुः च्वनि अलय् न्हँगु पुस्तां सय्के खानी धायोदिल । इतिहासकार नपां संस्कृतिविद प्रा.डा. पुरुषोत्तम लोचन श्रेष्ठ जुं बैदिककाल निसें हे गुरु-शिष्य परम्परा दःगु खाँ ब्याकसे सङ्गीत नाचगान (थी थी प्याखं दाफ,भजन)

बाजं गुरु (बाद्यवादन) पुं कलेजया प्राध्यापक गुरु पिनि नं गुरु खः धायोदिल ।

ख्वप दे प्राचीन सम्पदाया खुला संग्रहालय खः थानाया सांस्कृतिक सम्पदा म्वाकः तय्ता ख्वप नगरपालिकां कुतः याङ्गु च्वंगु खाँ ब्याकसे थानाया मूर्ति न्ह्यागु हे देया संग्रहालय थ्यंसां लिता ह्य् फैं । वयकलं धायोदिल ।

सम्पदाया थाय् जगन्नाथ क्षेत्रया अध्ययन, अनुसन्धान व अन्वेषण जुयो च्वंगु खाँ न्हिथाङ्गु दिसे वयकलं ख्वप कलेजय् संस्कृति विषय ब्वंकय्गु वातावरण दय्केता अनुरोध याङ्गुः दिल् ।

ख्वप नगरपालिकाया उपप्रमुख रजनी जोशी जुं सांस्कृतिक नगरया सम्पदा म्वाक तय्गु व ल्यंक तय्गुलि सांस्कृतिक गुरुपिनिगु अपलं लाहा दःगु खाँ ब्याकसे सम्पदा व संस्कृतिख्य् तः मिगु थाय् पर्यटकीय नगर ख्वप देता आर्थिक रुपं नं दुग्यंकय्ता सकलसिया ग्वाहाली मःगु खाँ काड दिसे सभ्य व सुरक्षित नगर दय्केता ख्वप नगरपालिकां कुत याङ्गुः च्वंगु दः धायोदिल ।

ज्या इवःया सभाया नायो ख्वप नगरपालिकाया प्रमुख सुनिल प्रजापति जुं सांस्कृतिक गुरुपिसं यागु योगदानं हे थाना भ्नीगु प्याखं, दाफा, भजन, बाजात म्वाङ्गुः च्वंगु खः धायो दिल् ।

वयकलं सय्कः सिङ्क तःगु ब्वङ्गागु याय्थें दसि पौ मरुसां सीप, ज्ञान, अनुभवया लिधंसाय् सांस्कृतिक गुरुपुं विश्व विद्यालयया गुरुपुं खः धायोदिल ।

ख्वप नगरपालिकां पुलां-पुलांगु सम्पदात ल्हवनय्-कानयँ व दानय्गु ज्या तस्कं च्वन्ह्याक याङ्गु सम्पदा म्वाक वयो च्वंगु खाँ ब्याकसे वयकलं भ्नीगु थःगु मौलिक सम्पदात गथे खः अथेहे जीवन्तता बियता सांस्कृतिक गुरुपिनिगु तः हांगु लाहा दःगु खाँ न्हिथाङ्गुः दिल् । सम्पदा म्वाक तय्गुलि स्थानीय जनताया अपलं ग्वाहाली स्यल्लागु खाँ ल्हासे वयकलं जनताया ग्वाहाली व श्रमदानं दय्कगु सम्पदात बल्लागु व तातुङ्गु नपां भ्नीगु थःगु हे धाय्गु भावं प्याङ्गु सलंस दा तुङ्गु नपां थः गु ज्ञान सीप, अनुभव थःगु हे देशय् छ्यलय् मः धायो दिल् ।

ज्या इवःसं ख्वप नगरपालिका वडा नं. ९ या वडाध्यक्ष रविन्द्र जयाख्व जुं ज्या इवः तय्मःगुया खाँ ब्याकसे कोभिडया हुनिं थौ थुगु ज्या इवः हल्य् न्ह्याकय् मःगु खाँ ब्याक दिल् ।

ज्या इवःख्य् सांस्कृतिक गुरुपिन्ता मू पाहाँ बिजुक्छेँ जुं हानेज्या यागु खः सा लाँजुवया तालिम काय् धुं पिन्ता बागमती प्रदेश सांसद सुरेन्द्र राज गोसाइँ जुं दसिपौ लः ल्हाङ्गुः द्युगु खः । हानेज्या यापुं गुरुपुं छसिकाथं थथे दः-

हानेज्या यापुं सांस्कृतिक

गुरुपिनिगु बःचा हाकलं म्हासिइका :

वडा नं. १.



गोविन्द भक्त भुजु

मां बेतीमाया भुजु व ब्वा हेरालाल भुजुया काय् भाजु गोविन्द भक्त भुजुया जन्म वि.सं. २००० साल असार ३० गते ख्वप नगरपालिका वडा नं. १ (हाल) इटाछै सं मध्यम वर्गीय परिवारय् जुगु खः । वयकलं बः चाहि बलय् निसैं हे अग्रज पिनि पाखं बाजा सय्कः त्वाल्य् दाफा भजनय् बेला (भवायलिन) तबला व हार्मोनियम थाड दिइसा, न्हँगुपुस्ता नेश्वता बाजा स्यनय् धुंकगु दः । न्हँगु पुस्ताता भीगु मौलिक बाजा-गाजाखय् लुयो काय् फःसा जुगौतक भीगु म्हासिइका हलिमय म्वाकः तय्फै धायोदिसे बाजा सय्केता मनं क्वथिइक, धैर्य तय्मः दक वयकलं धायो द्यूगु दः ।

विकुबहादुर दुवाल



ब्वा जगत बहादुर व मां हरिमोहन दुवालयाय् काय् भाजु बिकु बहादुर दुवालयाय् जन्म २०१३ बैशाख महिनाय् वडा नं. १ या भार्वाचोय् जुगु खः । सामान्य किसान परिवारय् जन्म जुम्हा वयकः या ज्या अपलं बुई वानय्गु खयानं सुथाय् बहनी अग्रजपिसं भजन याड च्वंगु खाड थः नं हार्मोनियम स्यडः बहनी भजन यायां, न्हँगु पुस्ताता भजन व हार्मोनियम स्यडः द्यूगु खः ।

ख्वप देता कला व संस्कृतिया पर्याय काथं म्हासिइका पिब्वयता वयक थन्योपुं सांस्कृतिक गुरुपिनिगु तहांगु लाहा दः ।

वडा नं. २



लक्ष्मी भक्त कुस्मा

ब्वा भक्तबहादुर कुस्मा व मां मोहन माया कुस्माया माइलाम्हा काय् लक्ष्मीभक्त कुस्माया जन्म वि.सं. २००८ कार्तिक ३ गते ख्वप नगरपालिका वडा नं. २(न्हपा १५) इटाछै त्वाल्य् जुगु खः ।

न्हयःगूगु स्वप पौ. बःछि पौ(पाक्षिक)

हिंच्यादा-गुदा दः बलय् निसैं गुरु काजि बहादुर खुसुपाखे दाफा-भजनय् म्यैं स्यनय् धुंक लिपा खिं बाजा नं सय्क दिल । किसान परिवारय् बूम्हा वयकलं आखः ब्वनय् मखासां खिं बाजा थाथां नेश्वः न्हँगु पुस्ताता खिं स्यनय् धुंकां अः नं उलि हे थाकु मचसैं दाफा भजनय् जुयो च्वम्हा गुरु कुस्माया जहान बेतीमाया मदय् धुंकल । वयकया काय् छम्हा म्हायाय् डाम्हा दः ।

बिष्णु भक्त सुवाल



वि.सं. २०१० साल कार्तिक महिनाय् बुम्हा विष्णु भक्त सुवालया मां लक्ष्मी माया व ब्वा शंख बहादुर सुवाल खः । वडा नं. १० (अः वडा नं. २) य् किसान परिवारय् बुम्हा वयकलं आखः छुं भाति ब्वनय् सः सां स्कूल वानय मखां । २०४२ सालय् याछैया गुरु गणेश बहादुर सिजख पाखं धिमे व २०४२ सालय् चोछैया गुरु विकुनारां अवाल जु पाखं धौं सय्क थी थी जात्राखय् अः तक नं थाडः भाला तिनी ।

२०४५ सालया भक्तपुर काण्डे नं वयकलं गाईचा प्याखं, फाकंदली प्याखं क्यड पञ्चायत विरोधी ज्या न्हायकः दिल ।

अः तकखय् त्वालया न्हयश्वता बाजां स्यनय् धुंक्म्हा वयकया जाहान भक्तिमाया सुवाल व काय् नेम्हा, म्हायाय् छम्हा दः ।

वडा नं. ३

लक्ष्मी प्रसाद मानन्धर



मानन्धर पुलांसः शिवरात्री गुथिया दुजः लक्ष्मी प्रसाद मानन्धरया जन्म वि.सं. २०२२ कार्तिक १९ गते ख्वप नगरया वडा नं. १६(अः वडा नं. ३) तेखाचोय् जुगु खः । प्राथमिक तहतक आखः ब्वड द्यूम्हा वयकया ब्वा रत्न बहादुर मानन्धर व मां रत्नमाया मानन्धरया स्वम्हा काय् मध्ये जेठाम्हा खः ।

गुलां बाजाखय् तस्कं लाहा जूम्हा वयकलं फुक्क धाय्थें बाजां थाय् सः । २०५६ सालय् निसैं अः तक खय् खुश्वता वयकलं बाजं स्यड दिय धुंकल ।

गणेश बहादुर त्वायजा

ख्वप नगरता कला व संस्कृतिया नगरकाथं म्हासिइका पिब्वयता मदिक ग्वाहाली याडः द्यूपुं सांस्कृतिक गुरु पुं मध्ये वि.सं. २०१४ असोज १५ गते घःखा त्वाल्य् हाल वडा नं. ३ य् ब्वा



न्हयःगुगु स्वप पौ. बःधि पौ(पाक्षिक)

वडा नं. ५

रत्नभक्त धवँजु

खड्ग बहादुर त्वायना व मां सुनमाया त्वायनाया कान्छाम्हा काय



जुयो जन्म जूम्हा खः गणेश बहादुर त्वायना । खुगु तगितक आखः ब्वडः द्यूम्हा वयकलं २०३० सालय बाजा सयूक दिल । घःखा दाफा भजनय सक्रिय वयकलं नेश्वता दाफा भजन स्यनय धुंकल । दाफा भजनया थ्या साफू भ्वाथः जुय धुंकगुलिं इलय हे ल्हवनय मःगु अलय ख्वपया कला

संस्कृति म्वाकः तयूता न्हँगु पुस्ताता लः ल्हाड वयो च्वडागु धायो द्यूम्हा वयक सामाजिक ज्याखय नं सक्रिय खानय दः ।

वडा नं. ४

लक्ष्मी भक्त घेमोसु



लालाखिं व म्यँया गुरुनपां मू भैल नायो लग्मी भक्त घेमोसु या जन्म वि.सं. १९९६ कार्तिक महिनाय वडा नं. १२ (अः वडा नं. ४) लाकोलाछँ जूगु खः । वयकया ब्वा गणेश बहादुर घेमोसु व मां आस कुमारी घेमोसु खः ।

२०१३/१४ सालय १५ दायो उमेरय लिसँ लाकोलाछँ दाफा भजनय भायो म्यँ व लालाखिं सयूकः छु ई बाँसुरी नं सयूक नायो जुयो दिल । दाफा भजनय हे अपलं मन क्वसायक भःम्हा वयकलं ५ क/६ क ग्वाहालीमि व छथ्वता थ मनं हे कुचिड म्यँ स्यनय धुंकम्हा राग व खिया गुरु लालाखिं थाथां म्यँ हालय फःम्हा वयक अः भैल द्योया मू नायो नं खः ।

मंगलाल ग्वाछा



ख्वप नगरपालिका वडानं. १० (अः वडा नं. ४) मंगलाछँ च्वम्हा ब्वा जगतबहादुर ग्वाछा व मां दिलमाया ग्वाछाया काय मंगलाल ग्वाछा वि.सं. २००० चैत १२ गते बुगु खः । थःगु त्वालय २०२४ सालय पछिमार्यँ सयूक द्यूम्हा वयक अः तक पछिमार्यँ व बाँसुरी पुयो

सांस्कृतिक बाजा म्वाकः तयमः दक न्हँगु पुस्ताता स्यनय मः धाधां २०७३ सालय तेखापुखु त्वालय २०७० व २०६६ सालय कोलाछँ पछिमार्यँ स्यड दिल । वयक न्हापा १४ वडाया जन निर्वाचित वडाया दुजः नं खः ।



बाँसुरी बाजाया गुरु रत्नभक्त धवँजुया जन्म वि.सं. २००५ मंसिर १५ गते ख्वपया साविक वडा नं. ११

(अः वडा ५) य जूगु खः । वयकया ब्वा लतं बहादुर धवँजु व मां न्हुच्छेकुमारी चवाल खः ।

वि.सं. २०२६ साल पाखय स्थानीय अग्रजपिनि पाखं बाजा सयूकः वयकं हार्मोनियम धलक व मादल नपां खैजदी नं थाड दि ।

वयकलं २०४८ सालय व २०५२ सालय थः गु थासय नेश्व न्हँगु पुस्ताता बाँसुरी स्यनय धुंकल ।

रामलाल माक



राम लाल माक वि.सं. १९९९ सालय ख्वपया वडा नं. ८ (अः वडा नं. ५) चासुखेलय ब्वा बाबुलाल माक व मां मसिनु माकया तः हिमा काय जुयो जन्म जूगु खः । वयक १४ दा दः बलय २०१३ सालय मू गाई जुयो धलक व लाला खिं नं सयूक दिल । वयक नागाचा प्याखंया

प्याखंम्वः व गुरु नं खः ।

वयकलं गुरु जुयो २०२३, २०२८, २०३७, २०५६, २०७५ सालय याडः डाथ्व लाला खिं स्यनय धुंकल । अलय धलक नेश्व व नागाचा प्याखं व मादल नं स्यड दिल । वयकलं २०३० सालय लायकुली नागाचा प्याखंस्यडः क्यडः द्युगु खः । यँ राष्ट्रिय संग्रहालय नागाचा प्याखं स्यड न्हाप लाक द्यूम्हा वयक अः चण्डेश्वरी दाफा भजनया नायो नं खः ।

वडा नं. ६

विष्णु भक्त सिजख्वः



याछँ त्वालय, अः वडा नं. ६ खय बू म्हा विष्णुभक्त सिजख्वया ब्वा बिल बहादुर सिजख्व व मां केशरी सिजख्व खः । नेम्हा काय दःसां किजा धर्मपुत्र ब्युगुलिं याकाकाय जूसां आखः ब्वनय म्खां ।



न्हयःगूगु स्वप पौ. बःछि पौ(पाक्षिक)

७८ दाया वयक अः तक नं ल्याम्हो खानय् दःति । थः ब्वा बिलबहादुर, गुरुपुं काजि बहादुर व लाल खयरगोली पाखं २०१५/१६ साल पाखय् दाफा भजनया म्येँ सय्कः अः तक म्येँ हाहां च्वंम्हा वयकलं २०/२१ साल पाखय् लालाखिं सय्क ३१/३२ सालय् लालाखिं स्यडा निं अः तक स्वश्व प्यश्वता म्येँ व लालाखिं स्यनय् धुकलसा वयक थी थी प्याखं व गुन्ही पुन्ही बलय् प्याखं म्वः जुयो द्युगु नं दः ।

विष्णु सुवाल



बाँसुरी बाजाया गुरु विष्णु सुवालया ब्वा बाबुलाल व मां हेलमायाया याकाकाय् काथं २००७ साल फागुनया होली पुन्हीखुनुं बुम्हा वयक अः तकनं बुँज्या साडः दिला तिति ।

वयकलं २०१८ सालय् म्येँ व २०२१ सालय् बाँसुरी सय्कः

नीडादातक झ्याउरी प्याखं ल्ह्यो लोकं ह्वाक च्वंम्हा प्याखं म्वं नं खः । वयकलं २०७० व २०७६ सालय् नेश्व बाँसुरी व २०४५ साल निसें मदिकक कवांचा, झ्याउरी व थी थी प्याखंत स्यडः वयो च्वंगु दः ।

त्वालय फुक्क म्येँ व बाँसुरी म्येँ वांगुली थःनं वाडागु वयकया अनुभव काड दिल् ।

वडा नं. ७

दिल बहादुर त्यात



बाँसुरी, हार्मोनियम, बेला, धलक थायगुलिं तस्कं लाहा जुम्हा दिल बहादुर त्यात २००२ साल साउन २० गते मां पूर्णमाया त्यात याय् काय् व ब्वा कृष्ण बहादुर त्यात गोमारी ७ वडाय् ब्रुगु खः । वयकया काय् प्यम्हा, म्हाय् स्वम्हा दः ।

गणेश बाजा समूह खय् च्वडः तः दा हाँ निसें हार्मोनियम बेला, बाँसुरी व धलक थाडःस्यडः दीम्हा वयकलं हार्मोनियम व बेला स्वश्वता स्यनय् धुकगु दः सा अः तकनं बाजाखय् मदिकक ग्वाहाली याडः च्वडः द्युम्हा वयक गलसीपुखु सांस्कृतिक पुचः लय् नं दुथ्या ।

ब्वनय्गु व मेमेगु पेशां याडः बाजा सय्केगुलि न्ह्युपुस्ता उलि हः मच्यगुलि दुःख प्वकसे थुकि स्वापु दःगु निकायं ध्यान बियमः जक वयकलं धायोदिल् ।



इन्द्र बहादुर लारवा

मूर्त व अमूर्त सम्पदा म्वाकः तय्ता जीवन पाड वपुं अपलं सांस्कृतिक गुरुपुं मध्ये ख्वप वडा नं. ७ चोर्चा त्वालय् बुम्हा इन्द्र बहादुर लारवा नं छम्हा खः । वयक १९९८

मंसिर १० गते ब्वा सिद्धिलाखा व मां विकुलक्ष्मी या काय् भाजु खः । वयकया स्वम्हा काय् व डाम्हा म्हाय् दः ।

चोर्चा बाँसुरी बाजाखय् तः दा हाँ निसे बाँसुरी पुयो धिमाय्या बोल नपां बाँसुरी पुयो न्ह्यु संगीत दय्कम्हा वयकं भजन नं याडः दी ।

वयकलं थी थी इलय् नागाचा प्याखं डाश्व, स्यनय् धुकम्हा सिया दुःख न्ह्यु पुस्तां थी थी बाजात मथागुलिं समस्या वगु खाँ काड दिल् ।

वडा नं. ८

बुद्धि सागर प्रजापति



सांस्कृतिक गुरु बुद्धि सागर प्रजापतिया जन्म वडा नं. ८ (अः वडा नं. २) तौलाछेँ त्वालय् २००२ सालय् जुगु खः । वयकया ब्वा किसलाल प्रजापति व मां गोपथुकु

प्रजापति खः । वयकः हिं च्यादाया इलय् सुर्यमढी चिव दाफा भजनय् दुथ्याकः अः तक भजन न्ह्याकय्ता मदिकक हज्याडः च्वंगु दः । भजन हाल दिइम्हा वयकलं अः तक नेश्व भजन स्यनय् धुकलसा वयकलं चिव दाफा भजनं पिकाइगु 'मस्यूमथु प्याखं' (महादेव पार्वती प्याखं) नेकः प्रशिक्षण बिय धुकल । वयकलं जीवन दः तलय् भजन हाल संस्कृति म्वाकः तय्गुलि जुयगु खाँ काड दिल् ।

रामभक्त गणोजु



सांस्कृतिक गुरु रामभक्त गणोजु वि.सं. २००९ असार १० गते ब्वा जगन्नाथ गणोजु व मां पुनमाया गणोजुया काय् जुयो ख्वप नगरपालिका वडा नं. ९ (साविक ३ वडा) जेलाँ त्वालय् जूगु खः । अः वडा नं. ८ लिबाली च्वड द्युम्हा

वयकलं १४/१५ दाया इलय् निसें शुपूर्णेश्वर धलचा भजनय् दुतिडः हिं न्ह्यदाया इलय् राम कुमार गणोजु पाखं नासः द्योता



न्हयःगूगु स्वप पौ. बःखि पौ(पाक्षिक)

पुकारय् याडः म्येँ हाल द्यूगु खः । वयकलं न्हूगु पुस्ताता वडा नं. ९ या च्वफल्य व तचपालय् धलचा भजन याडः नेथ्व स्यनय् धुंकल । वयकं न्हिया न्हिथं महेश्वरी पीठया शुपुणेश्वर भजनय् ढलक व पक्षिमार्थं थाड दी , नपां दाय्दाय् पतिकं शुपुणेश्वर धलचा भजन पाखं जेलाय् चुक्य च्वंगु हरिशंकर नारायण देगःलय् सिपुन्ही खुन्हूँ स्वस्थानी धलं व गुन्हिपुन्ही खुन्हूँ रुद्री ज्याखय् नं कजि काथं ज्या याड दी म्हा खः ।



वडा नं. ९

विष्णु भक्त कुसी

परम्परागत नौबाजाया स्यल्लाम्हा गुरु विष्णुभक्त कुसी या जन्म वि.सं. २००० साल कार्तिक शुक्ल द्वादशी खुन्हूँ ख्वप नगरपालिका वडा नं. ९ कमिचा गल्ली साधारण किसान परिवारय् बुम्हा वयकलं मचात बलय् निसेँ अः तकखय् नागाचा प्याखंया प्याखंम्वः व गुरु काथं ई फुक च्वंगु जुल । वयकया ब्वा भान बहादुर कुसी, मां गोप थुकु खः । वयकलं सुजमारी फल्चाय् डागू तगिं तक ब्वड द्यूगु खः सा अः वयक च्याम्हासिंगल च्वड दी ।

बुई ज्या सानय् मः सां मचात बलय् निसेँ थः ब्वाकय् नौबाजा थाय्गु स्यडः हिंच्यादाया इलय् फुकक नौबाजा थाय् सय्कः पुन्ही पतिकं वाकुपति नारां द्योथाय् भजन फल्चाय नौबाजा (धौं, पस्त, ताताली, धिमायचा, नाय्खिं, पछिमार्थं, धलक, काँखिंचा व नगरा) थाड दी ।

वयकलं परिवारय नागाचा (राधा कृष्ण) प्याखं ल्हूपुं स्वयो जक अः थमनं नागाचा प्याखं (काय्, छ्य व थः थिती पिन्ता) स्यड वगु, नपां उगु प्याखंनय् माहालिं पुइपुं मरुसेलिं अः बाँसुरी पुयो प्याखं ल्हूइक तगु, अः थमनं नं पुयो दाय् दाय् पतिकं नागाचा प्याखं क्यड वयो च्वंगु दः । वयकलं अः तक खय् च्याथ्व पुचः ता नौ बाजा स्यनय् धुंकल । बाँसुरी बाजानं स्यडः अज विदेशी तय्ता नं वयकलं बाजा स्यंगु जुल ।

न्हूगु पुस्तां सय्केगु कुतः मयागुलि दुःख प्वक द्यूम्हा कुसी जुं ख्वप नगरपालिकां परम्परागत संस्कृति म्वाकय्ता ज्या साड च्वंगुलि लयता प्वक दिल ।

मान बहादुर चोलेख्वः

ख्वप नगरपालिका वडा नं. ९ मःको गल्ली वि.सं. २०१० साल असार १५ जन्म जूम्हा मान बहादुर चोलेख्वः बाँसुरीया गुरु खः । वयकया मां मसिनु व ब्वा मोहनवीर चोलेख्व खः ।

हिगुदाया बैसय वयकलं नारायण दास सायँजु पाखं बाँसुरी सय्कः अलय् त्वाल्य जुइगु थी थी ज्याखय् बाँसुरी प् भायो थी थी इलय् जुइगु बाँसुरीया धिं धिं बल्लाखय् सिरपा नं त्याक द्यूगु दः ।



थी थी भजनय् भाइम्हा वयक गुरु चोलेख्व जुं गोमारी सितिखु गल्ली ग्वाहालिमि गुरु जुयो नगांचाय् स्वथ्व, याताछेँ नेथ्व, गछेँ, जेलाँ, याछेँ व गोमारी मानन्धर परिवारता गुरु जुयो बाँसुरी स्यनय् धुंकल ।

पुचल्य च्वडः पुय मःगुलिं बाँसुरी बाजां भी धाय्गु भावना ब्व लाकिगु तस्कं न्यनय् हायँपुगु थुगु बाजा अः भन भन लोकं ह्वाडः वगु थ्व नं मादलया ताल भन ज्वनि गुलिं नपां नपां स्यनय् मः धायो दिल ।

वडा नं. १०

हरिभक्त मगजु

सांस्कृतिक गुरु हरिभक्त मगजुया जन्म ख्वप नगरपालिका वडा नं. ४ (अः वडा नं. १०) नगांचाय् मिति २०१३ असार १५ गते जूगु खः । वयकया ब्वा मोहनवीर मगजु व मां हरिमाया मगजु खः ।



नगांचाय् लुसी प्याखं व भालुं प्याखंया प्याखंम्वः जुयो सापारुया इलय् त्वाल्य त्वाल्य क्यनिगु परम्परागत प्याखं नं समाजय् ह्युपा ह्युता, जनता ग्वाकय्ता अः पुइगु खाँ काड द्यूम्हा वयकलं २०५४ साल निसेँ अः तक खय् लुसिप्याखं डाथ्वता, भालु प्याखं डाथ्वता व भजन छथ्वता स्यनय् धुंकल ।

शिवभक्त वनमाला

ख्वपया ऐतिहासिक नवदुर्गा द्यो प्याखं म्वाकः तय्ता तहांगु ग्वाहाली याड द्यूम्हा अपलं अग्रज पुं मध्ये शिवभक्त वनमाला नं खः । ख्वप नगरपालिका वडा नं. ४ (अः वडा १०) क्वाठण्डली २०२२ फागुन १५ गते जूगु खः । वयकया ब्वा सेलबहादुर वनमाला व मां सन्त कुमारी वनमाला खः । थ्व प्याखं वनमाला पिसं जक ल्ह्यु दैगु जूसां ख्वपया सकल जनताया आस्था व नेपालय् दयकल ताः हाकः याइगु जात्रा खय् थुकी मचा निसेँ ब्रुहथेक दुथ्याई ।



वयक अपलं द्यो जुयो प्याखं ल्ह्यु धुंक्म्हा खः सां खिं व तँ नं थाड दी । वयकलं २०६५ साल निसेँ अः तक खय् खिं बाजा प्यकः, भैलः प्यकः व बाराही छक, महाकाली नेक, गणोद्यो स्वक, कुमारी प्याखं छक, भद्रकाली स्वक, तँ बाजा छक, महेश्वरी प्याखं व ब्रम्हायणी प्याखं स्वकः स्वकः स्यनय् धुंक्म्हा वयक प्रखर गुरु खः ।

अन्यापुन्हीया लसताय सिद्धपोखरी पानस च्याक उलेज्या

(२०७८ असोज ३ गते)



नागपुखुया सिथय-सिथय स्वमा पियगु ज्या इवः

(२०७८ असोज ९ गते)



खवप कलेजया एम.वि.एस या न्हँ ब्वनामिपिन्ता लसकुस

(२०७८ असोज ९ गते)



खवपया न्हँम्हा प्रजिअ शर्मा जूता लसकुस

(२०७८ असोज १० गते)

